



ანგარიში მომზადდა შვედეთის საერთაშორისო განვითარების თანამშრომლობის სააგენტოს (Sida) ფინანსური მხარდაჭერით. ავტორების მიერ ანგარიშში გამოთქმული მოსაზრებები შესაძლოა არ გამოხატავდეს Sida-ს პოზიციას და ის არ არის პასუხისმგებელი მასალის შინაარსზე.

შინაარსი

შესავალი	4
ძირითადი მიგნებები	5
რეკომენდაციები.....	5
მფლობელობის გამჭვირვალობა	6
ონლაინ მედია.....	7
რეკლამა და საინფორმაციო გვერდების ფინანსური მდგრადობა	9
ონლაინ მედია საშუალებები პოლიტიკური დღის წესრიგით	11
ანტიდასავლურად განწყობილი ონლაინ მედიები.....	11
Reportiori.ge.....	12
Marshallpress.ge	14
Geworld.ge და Saqinform.ge	16
TB24.ge	17
Ttaoba.ge	18
ონლაინ მედიები ოპოზიციური პოლიტიკური დღის წესრიგით.....	20
Tzona.org	20
Freshnews.ge	21
Editori.ge.....	21
Iveria.biz	23
მთავრობის ადმინისტრაციასთან დაკავშირებული ონლაინ მედიები	23
Irakligaribashvili.ge	24
ტელევიზიები	25
რუსთავი 2-ის სადაო მფლობელობა	25
ცვლილებები ტაბულაში.....	27
საკადრო ცვლილებები მაუწყებლებზე	28
საზოგადოებრივი მაუწყებელი.....	28
მაესტრო	29
იმედი.....	30
საკაბელო/სატელიტ მაუწყებლები და ინტერნეტ ტელევიზიები.....	31
ტელეკომპანია „პირველი“ (ყოფილი TVS)	31
მედიაკავშირი “ობიექტივი”	32
შპს ქართული არხი (ყოფილი “TV კვირიკე”).....	33

შპს ქართული ტვ	34
შპს ხარისხის არხი (“დრო TV”)	34
შპს საერთაშორისო საინფორმაციო სააგენტო ევრაზია („ახალი საქართველო”)	35
პატრიოტი TV.....	36

შესავალი

2014 წლის აპრილში „საერთაშორისო გამჭვირვალობა – საქართველო“ წარმოადგინა ანგარიში¹, რომელიც დეტალურად სწავლობდა იმ მედიასაშუალებების მფლობელობის საკითხებს, რომლებიც მთელი ქვეყნის მასშტაბით მაუწყებლობენ, ან მოსახლეობის დიდ ნაწილს ფარავენ. ანგარიშში ასევე აღწერილი იყო მედიასაშუალებების მფლობელების წარსული საქმიანობა, მათი გავლენიანი კავშირები და კორპორატიული ინტერესები.

მოგვიანებით, 2014 წლის ივლისში „საერთაშორისო გამჭვირვალობა – საქართველო“ წარმოადგინა მეორე ანგარიში², რომლის ყურადღების ცენტრში ადგილობრივი მედიასაშუალებების მფლობელობის, მათი როლისა და დაფინანსების საკითხები მოექცა. ადგილობრივი მედიასაშუალებები ქალაქებსა და სოფლად დისკუსიების წარმართვის კუთხით მნიშვნელოვან ფუნქციას ასრულებენ. მათი მნიშვნელობა კიდევ უფრო გაიზარდა ადგილობრივი თვითმმართველობის რეფორმის ფონზე, რომლის შედეგადაც 2014 წლის თვითმმართველობის არჩევნებზე 12 ქალაქში მერის პირდაპირი არჩევის წესი ამოქმედდა.

წინამდებარე ანგარიშის მიზანია, ერთი მხრივ, განაახლოს ინფორმაცია მსხვილი მედიასაშუალებების მფლობელობაზე და წარმოაჩინოს ამ მედიასაშუალებებზე მიმდინარე ცვლილებები, ხოლო, მეორე მხრივ, ყურადღება გაამახვილოს ონლაინ მედიის მფლობელობასთან დაკავშირებულ საკითხებზე. ქართული ონლაინ მედიის სისტემური კვლევა ჯერ არ ჩატარებულა, საინფორმაციო ვებგვერდების გავლენა კი საზოგადოებრივი აზრის ფორმირებაზე სულ უფრო და უფრო მზარდია ინტერნეტის ხელმისაწვდომობის მზარდი ტენდენციის პარალელურად.

კვლევას საფუძვლად საჯარო ჩანაწერებიდან და მედიიდან მიღებული მონაცემები უდევს. ონლაინ მედიასაშუალებების საქმიანობის შესახებ ამომწურავი ინფორმაციის შესაგროვებლად „საერთაშორისო გამჭვირვალობა – საქართველო“ საინფორმაციო ვებგვერდების წარმომადგენლებთან ათეულობით ინტერვიუ ჩაატარა.

რადგან არ არსებობს ერთიანი სანდო სისტემა ონლაინ რესურსების რეიტინგის შესასწავლად, ვებგვერდები, რომელთა შესახებ ინფორმაციაც მოხვდა წინამდებარე ანგარიშში, სხვადასხვა კრიტერიუმით შეირჩა. ეს ვებრესურსები აშუქებენ პოლიტიკური ხასიათის ახალ ამბებს, აქტიურად იყენებენ სოციალურ ქსელებს ინფორმაციის გასავრცელებლად ან საიტ top.ge-ს მიხედვით, 2015 წლის მაის-ივნისის პერიოდში სისტემატურად ჰყავდათ დღეში 500-მდე უნიკალური ვიზიტორი.

¹ ვის ეკუთვნის ქართული მედია? „საერთაშორისო გამჭვირვალობა – საქართველო“, აპრილი, 2014, <http://goo.gl/AKnOXN>, ბოლო წვდომა 2015 წლის 8 ოქტომბერი

² ვის ეკუთვნის რეგიონული მედია? „საერთაშორისო გამჭვირვალობა – საქართველო“, ივლისი, 2014, <http://goo.gl/1xZ9A6>, ბოლო წვდომა 2015 წლის 8 ოქტომბერი

ძირითადი მიგნებები

- საქართველოში მედია საშუალებების მფლობელობა გამჭვირვალეა. ბოლო ერთი წლის მანძილზე მსხვილი მედიასაშუალებების მფლობელობაში მნიშვნელოვანი ცვლილება არ მომხდარა. არც ერთ მსხვილ მედია საშუალებას პირდაპირ არ ფლობს რომელიმე პოლიტიკური ძალა.
- ტელეკომპანია „რუსთავი 2“-ის მფლობელობასთან დაკავშირებით წამოწყებულ სასამართლო დავას, სავარაუდოდ, პოლიტიკური კონტექსტი აქვს, რამაც შესაძლოა უარყოფითად იმოქმედოს მედიის თავისუფლების ხარისხზე.
- რამდენიმე მსხვილ მედიასაშუალებაში ბოლო თვეების განმავლობაში მნიშვნელოვანი საკადრო ცვლილებები განხორციელდა. ამ ფაქტებმა გავლენა მოახდინა მაუწყებლობის შინაარსზე. რიგ შემთხვევებში გაჩნდა ეჭვი, რომ არხის მფლობელები ერევიან სარედაქციო პოლიტიკაში, რითაც ზიანს აყენებენ მედიის დამოუკიდებლობას.
- რამდენიმე საკაბელო და ინტერნეტ მაუწყებლის მფლობელობა ანტიდასავლურ და რელიგიურ ორგანიზაციებს უკავშირდება. მათი დეკლარირებული შემოსავალი საკმაოდ მცირეა, რის გამოც, გაურკვეველია, რა სახსრებით მაუწყებლობენ ეს არხები.
- ონლაინ მედიასაშუალებებს შორის გვხვდება პოლიტიკური გემოვნების მიხედვით გაერთიანებული ჯგუფები. ზოგიერთი ასეთი ვებგვერდი მუდმივი თანამშრომლებისა და შემოსავლის გარეშე ფუნქციონირებს, რაც ეჭვქვეშ აყენებს მათ დამოუკიდებლობას.

რეკომენდაციები

- ხელისუფლების წარმომადგენლები უნდა მოერიდონ პოლიტიკური ხასიათის განცხადებებს ტელეკომპანია „რუსთავი 2“-თან და მის მფლობელობასთან დაკავშირებით, რათა ზეგავლენა არ მოახდინონ მიმდინარე სასამართლო დავაზე.
- მედიის დამოუკიდებლობის გარანტი, ხელისუფლების გარდა, მედია საშუალებების მფლობელებიც არიან. უმნიშვნელოვანესია, რომ მათმა ქმედებებმა ზეგავლენა არ მოახდინონ დამოუკიდებელი მედია საშუალებების სარედაქციო პოლიტიკაზე.
- მიუხედავად იმისა, რომ ონლაინ მედია საშუალებები არ ექვემდებარებიან გამჭვირვალობასთან დაკავშირებულ რეგულაციებს, სანდოობის მიზნით, საკუთარ ვებგვერდებზე უნდა განათავსონ ამომწურავი ინფორმაცია გამოცემის მფლობელებსა და მასალების შინაარსზე პასუხისმგებელ პირებზე.

მფლობელობის გამჭვირვალობა

საქართველოში მედიასაშუალებების მფლობელობა, უმეტესად, გამჭვირვალეა და, 2014 წლის შემდეგ, ამ მხრივ სურათი არ შეცვლილა. მიუხედავად იმისა, რომ რამდენიმე მედიასაშუალების მესაკუთრეს აქვს, ან ჰქონდა გარკვეული კავშირი მმართველ კოალიცია „ქართულ ოცნებასთან“ ან ამჟამად ოპოზიციაში მყოფ „ერთიან ნაციონალურ მოძრაობასთან“, დღეის მონაცემებით, ქართული პოლიტიკის აქტიური სუბიექტები არ ფლობენ და არ აფინანსებენ არცერთ მსხვილ მედიასაშუალებას. თუმცა, მსხვილი ტელემაუწყებლების მფლობელობასთან დაკავშირებით, საყურადღებოა „რუსთავი 2“-ის წინააღმდეგ ბიზნესმენ ქიზარ ხალვაშის სარჩელი, რომლის საფუძველზეც სასამართლომ ტელეკომპანიის წილები და ქონება სრულად დააყადაღა და კომპანიის დირექტორებს უფლებამოსილება შეუზღუდა.³

რაც შეეხება ონლაინ მედიას, მასზე არ ვრცელდება მფლობელობის გამჭვირვალობის მოთხოვნები, შესაბამისად, ვებგვერდების უმრავლესობის მფლობელების შესახებ მოქალაქეებს ინფორმაცია არ აქვთ. „საერთაშორისო გამჭვირვალობა – საქართველოს“ მიერ ჩატარებულმა ათეულობით ინტერვიუმ და 2015 წლის მაისსა და ივნისში საინფორმაციო ვებგვერდებზე სისტემატურმა დაკვირვებამ ცხადყო, რომ მიუხედავად ქართული ონლაინ მედიის მრავალფეროვნებისა, ბოლო რამდენიმე წლის განმავლობაში ონლაინ სივრცეში გამოიკვეთა პოლიტიკური გემოვნების მიხედვით გაერთიანებული მედია საშუალებების ჯგუფები. ეს ჯგუფები, ძირითადად შეთანხმებულად მოქმედებენ და ინტენსიურად იყენებენ სოციალურ ქსელებს თავიანთი მასალების გასავრცელებლად. ასეთი გამოცემები დამოუკიდებელი და მიუკერძოებელი ონლაინ მედია საშუალებებისთვის სულ უფრო და უფრო ართულებს აუდიტორიამდე გადამოწმებული და მაღალი ჟურნალისტური სტანდარტის ინფორმაციის მიტანას და, შესაბამისად, სარეკლამო შემოსავლების მოზიდვას. ევროკავშირისა და გაეროს განვითარების პროგრამის მხარდაჭერით განხორციელებული მედიამონიტორინგის შედეგების მიხედვითაც, ბოლო რამდენიმე წინასაარჩევნო პერიოდის გაშუქებისას, ზოგიერთი ონლაინ გამოცემა მიკერძოებული იყო.⁴

მსოფლიო ქვეყნების უმეტესობაში ონლაინ მედია რაიმე ტიპის სამართლებრივ რეგულირებას არ ექვემდებარება. ამის ფონზე, უმნიშვნელოვანესია, თავად ონლაინ მედიის წარმომადგენლებმა საკუთარი მასალების სანდოობის ზრდის მიზნით ამომწურავი ინფორმაცია მიაწოდონ მომხმარებლებს თავისი საქმიანობის შესახებ. ამ კუთხით, სასურველია, საინფორმაციო ვებგვერდები მოიცავდნენ შემდეგ კომპონენტებს:

- ვებგვერდზე განთავსდეს ინფორმაცია მფლობელების და რედაქტორის შესახებ, ასევე გამოცემის ეთიკის კოდექსი და სხვა დოკუმენტები, რომლებიც ჟურნალისტურ საქმიანობას არეგულირებს.
- ყოველთვის მითითებული იყოს ბმულები ინფორმაციის წყაროებზე ასეთის არსებობის შემთხვევაში.

³ ამონაწერი საჯარო რეესტრის ეროვნული სააგენტოდან, <https://goo.gl/7IXGUZ>, ბოლო წვდომა 2015 წლის 8 ოქტომბერი

⁴ 2014 წლის თვითმმართველობის არჩევნების მედიამონიტორინგის შედეგები, <http://goo.gl/YrqfOg>, ბოლო წვდომა 2015 წლის 8 ოქტომბერი

- სრულად იყოს განთავსებული საკონტაქტო ინფორმაცია; უზრუნველყოფილი იყოს მომხმარებლებთან ურთიერთობის სწრაფი, ტექნიკურად გამართული და ეფექტური მექანიზმი.

ონლაინ მედია

საქართველოს კომუნიკაციების ეროვნული კომისიის ინფორმაციულ-ანალიტიკურ პორტალზე განთავსებული მონაცემების მიხედვით, დღეს საქართველოში 564, 357 ინტერნეტ მომხმარებელია რეგისტრირებული.⁵ ინტერნეტი ყოველწლიურად უფრო და უფრო მეტი ადამიანისთვის არის ხელმისაწვდომი. ამჟამად ხელისუფლება მუშაობს პროექტზე, რომლის განხორციელებამაც მაღალსიჩქარიანი ინტერნეტი საქართველოს ყველა დასახლებულ პუნქტში ხელმისაწვდომი უნდა გახადოს.

„საერთაშორისო გამჭვირვალობა – საქართველოსა“ და „კავკასიის კვლევითი რესურსების ცენტრის“ (CRRC) მიერ 2015 წლის გაზაფხულზე ჩატარებული კვლევის მიხედვით, 2013 წლის მონაცემებთან შედარებით 4%-ით გაიზარდა ინტერნეტის ყოველდღიურ მომხმარებელთა რიცხვი, თუმცა დღემდე მოსახლეობის 46% ინტერნეტს არასდროს იყენებს. კომპიუტერული ცოდნა და ინტერნეტზე წვდომა შედარებით დაბალია სოფლად მცხოვრებ მოსახლეობასა და 56 წელზე უფროს მოქალაქეებს შორის.⁶

საქართველოში ინტერნეტი მის მომხმარებლებს ყველაზე ხშირად სოციალური ქსელებისთვის (75%) და ინფორმაციის მოძიებისთვის (41%) სჭირდებათ. მეორე მხრივ, ინტერნეტმომხმარებლები ხშირად სოციალურ ქსელებსაც ინფორმაციის მიღებისთვის იყენებენ. ეროვნულ დემოკრატიული ინსტიტუტის (NDI) საზოგადოებრივი აზრის კვლევის მიხედვით, საქართველოს მოქალაქეებისთვის ინტერნეტი მიმდინარე მოვლენების შესახებ ინფორმაციის მიღების მეორე ყველაზე მნიშვნელოვანი წყაროა.⁷

საქართველოში საინფორმაციო ვებგვერდების მომრავლებას რამდენიმე ახსნა აქვს. ონლაინ მედია თავისუფალია სალიცენზიო მოთხოვნებისგან, რაც იმას ნიშნავს, რომ ახალ მოთამაშეებს ბაზარზე შესასვლელად დაბალი ბარიერები აქვთ. ამასთან, სამაუწყებლო და ბეჭდურ მედიასთან შედარებით, ონლაინ მედიაში წარმოების ხარჯები ნაკლებია, რაც გარე დამფინანსებლებზე დამოკიდებულებას ამცირებს. შედეგად, ონლაინ ბაზარზე არსებობს რიგი გამოცემები, რომლებიც მკითხველებს მაღალი დონის რეპორტაჟებს სთავაზობენ. მათ შორისაა რეგიონული ონლაინ მედიასაშუალებები, რომელთა საშუალებითაც შესაბამის რეგიონებში განვითარებული მოვლენები შუქდება. რამდენიმე ასეთი საინფორმაციო ვებგვერდი რეგიონებში ინფორმაციის მნიშვნელოვან წყაროდ იქცა.


⁵ საქართველოს კომუნიკაციების ეროვნული კომისიის ინფორმაციულ ანალიტიკური პორტალი, <http://goo.gl/pxTw8K>, ბოლო წვდომა 2015 წლის 8 ოქტომბერი

⁶ მოსახლეობა მედიისგან სოციალური პრობლემების გაშუქებას ელის, „საერთაშორისო გამჭვირვალობა – საქართველო“, 1 ივლისი, 2015, <http://goo.gl/Nno4KU>, ბოლო წვდომა 2015 წლის 8 ოქტომბერი

⁷ საზოგადოების განწყობა საქართველოში, 2015 წლის აპრილის კვლევის შედეგები, <https://goo.gl/mQP32M>, ბოლო წვდომა 2015 წლის 8 ოქტომბერი

თუმცა ბოლო სამი წლის მანძილზე ონლაინ სივრცეში გამრავლდა ამა თუ იმ პოლიტიკურ ჯგუფთან დაკავშირებული ვებგვერდების რიცხვი. ასეთი ვებრესურსები და ონლაინ მედია საშუალებების სიმრავლის გარდა, მნიშვნელოვანია ხაზი გავუსვით მათ ურთიერთკავშირს. რიგი საინფორმაციო ვებგვერდებისა არაფორმალურად არის დაკავშირებული ერთმანეთთან და კონკრეტული თემების გაშუქებისას შეთანხმებულად მოქმედებენ.

რამდენად ხშირად სარგებლობთ ინტერნეტით? (%)



საერთაშორისო გამჭვირვალობა საქართველოს და კავკასიის კვლევითი რესურსების ცენტრის (CRRC) საზოგადოებრივი აზრის კვლევა, 2015

რეკლამა და საინფორმაციო გვერდების ფინანსური მდგრადობა

ქვეყანაში ყველაზე პოპულარული ვებგვერდების გამოვლენა საკმაოდ რთულია. არ არსებობს რაიმე ფართოდ აღიარებული და სანდო სისტემა, რომლის მეშვეობითაც მომხმარებლების მიერ საქართველოში საინფორმაციო და გასართობი ვებგვერდების გამოყენება შეფასდებოდა. Top.ge მთელი რიგი ქართული ვებგვერდების ტრაფიკს აკვირდება, თუმცა იმ ვებგვერდების ოპერატორებს შორის, რომელთაც „საერთაშორისო გამჭვირვალობა – საქართველო“ ესაუბრა, Top.ge-ს მონაცემები სრულიად სანდოდ არ აღიქმება.

საქართველოში რეკლამის განთავსების მსურველები, როგორც წესი, ინტუიციას უფრო ეყრდნობიან, ვიდრე ბაზრის მონაცემებს და მომხმარებელთა სტატისტიკას. ამ დროს ხშირად არც ხდება რეკლამის შინაარსის საიტის აუდიტორიაზე მორგება. ქართული საიტების მომხმარებლებზე მონაცემების ნაკლებობის გამო, რეკლამის განთავსების მსურველთათვის თავიანთი სარეკლამო კამპანიის შედეგების შეფასება დიდ სირთულეს წარმოადგენს. ბევრი საინფორმაციო ვებგვერდისთვის, განსაკუთრებით თბილისის გარეთ არსებული ონლაინ გამოცემებისთვის, სარეკლამო შემოსავლების მოზიდვა ჯერ კიდევ დიდ გამოწვევებთან არის დაკავშირებული და, ხშირ შემთხვევაში, ისინი საერთაშორისო დონორი ორგანიზაციების მხარდაჭერაზე არიან დამოკიდებული.

პარალელურად კვლავ პრობლემაა რეკლამისა და სარედაქციო მასალების გამიჯვნა ქართული ონლაინ მედია გამოცემებისთვის. გვხვდება შემთხვევები, როდესაც მასალებს არ აქვთ მითითებული სარეკლამო თუ არა მასალა, ან მითითება საკმარისად ცხადი არაა.⁸

რეკლამისა და სარედაქციო მასალის გამიჯვნას „რეკლამის შესახებ“ საქართველოს კანონი ითვალისწინებს. კანონის მოთხოვნის მიხედვით, სარეკლამო მასალა წარდგენისთანავე უნდა ქმნიდეს შთაბეჭდილებას, რომ ის რეკლამაა. ჟურნალისტური ეთიკის ქარტიის მეცხრე მუხლის თანახმად, სარედაქციო მასალები მკვეთრად უნდა გაიმიჯნოს მარკეტინგული, სარეკლამო და სპონსორის მიერ დაფინანსებული მასალებისაგან.


სოციალურ ქსელ Facebook-ზე საქართველოში მყოფ ადამიანებზე გამიზნული რეკლამები ყოველ 1000 ნახვაზე 0.01 აშშ დოლარი ღირს. ფართო გავრცელების, მონიტორინგისა და სამიზნე ჯგუფების განსაზღვრის შესაძლებლობის, ასევე იოლად გამოყენებადობის გამო, Facebook ქართული საინფორმაციო ვებგვერდების მთავარი კონკურენტი.

„საერთაშორისო გამჭვირვალობა – საქართველო“ მიერ ჩატარებულმა ინტერვიუებმა აჩვენა, რომ არსებობენ ონლაინ მედიები, რომლებსაც თვითონ, ზოგჯერ მთელი წლის განმავლობაში არ აქვთ არანაირი შემოსავალი, თუმცა ეს მედია საშუალებები მაინც აგრძელებენ ფუნქციონირებას.

⁸ ონლაინ გამოცემები და რეკლამის განთავსების წესები, <http://mediachecker.ge>, <http://goo.gl/qYUCyv>, ბოლო წვდომა 2015 წლის 8 ოქტომბერს

რას აკეთებთ ხოლმე ყველაზე ხშირად, როდესაც ინტერნეტით სარგებლობთ? (% , 2015)

(44%, რომელიც ინტერნეტით თვეში ერთხელ მაინც სარგებლობს)



ონლაინ მედია საშუალებები პოლიტიკური დღის წესრიგით

ინტერნეტმა და მასზე ხელმისაწვდომობის სწრაფი ტემპით ზრდამ სრულიად შეცვალა ჩვენს მიერ ინფორმაციის მიღების პროცესი. “მედია საშუალებები ცდილობენ ფოკუსირდნენ ონლაინ აქტივობებზე. ვინაიდან მოწონებები, კომენტარები და გაზიარებები იზიდავენ სარეკლამო ბიუჯეტს, მედია ორგანიზაციები ეძებენ აუდიტორიის ჩართულობის გაზრდის ახალ ხერხებს, რაც, თავის მხრივ, გავლენას ახდენს ახალ ამბებზე. უფრო მეტიც, პოლიტიკური წესრიგის მქონე მედია ორგანიზაციები საკმაოდ მოხერხებულად ავრცელებენ თავიანთ შეხედულებებს.”⁹

ანტიდასავლურად განწყობილი ონლაინ მედიები

ბოლო რამდენიმე წლის განმავლობაში ქართულ ონლაინ სივრცეში გამოიკვეთა ვებგვერდების ჯგუფი, რომელიც ანტიდასავლურ პროპაგანდას ეწევა. „მედიის განვითარების ფონდის“ 2014-2015 წლების მედია მონიტორინგის - „ანტიდასავლური პროპაგანდა“ მიხედვით, ანტიდასავლური განწყობების მთავარი წყარო მედიაა, ანტიდასავლური რიტორიკა კი ხშირად ქსენოფობიურ და ჰომოფობიურ კონტექსტში გაისმის.¹⁰

ზოგ შემთხვევაში, ანტიდასავლურად განწყობილი მედია საშუალებები სახელმწიფო შესყიდვების სახით საბიუჯეტო სახსრებსაც იღებენ. გარდა ქვემოთ მოყვანილი თანხებისა, 2015 წელს, შპს „მედია-ეტალონს“ გადაცემა „ეტალონის“ დასამზადებლად, რომელიც „ობიექტივის“ ეთერში გადის, სახელმწიფო უწყებებიდან 68,616 ლარი აქვს მიღებული.¹¹

საბიუჯეტო დაფინანსება მედია საშუალებებისთვის, რომლებიც სიძულვილის ენას ალვივებენ (2013-2014 წლები)

მედია საშუალება	თანხა (ლარი)
ობიექტივი	52,167
საქართველოს რესპუბლიკა	63,923
ასავალ-დასავალი	1,200

წყარო: მედიის განვითარების ფონდი, საბიუჯეტო სახსრები სიძულვილის ენისა და ანტიდასავლური განწყობების გამავრცელებელ მედიაში, 2015

⁹ ალისია ვანლესი – პროპაგანდის მკვლევარი,

<https://www.facebook.com/events/1635018736715447/>, ბოლო წვდომა 2015 წლის 8 ოქტომბერი

¹⁰ ანტიდასავლური პროპაგანდა, მედიის განვითარების ფონდი, 2015, <http://goo.gl/f0VjKM>, ბოლო წვდომა 2015 წლის 8 ოქტომბერი

¹¹ საბიუჯეტო სახსრები სიძულვილის ენისა და ანტიდასავლური განწყობების გამავრცელებელ მედიაში, მედია განვითარების ფონდი, 2015, <http://goo.gl/pbMTSR>, ბოლო წვდომა 2015 წლის 8 ოქტომბერი

ამასთან, damoukidebloba.com -მა მოამზადა კვლევა,¹² რომელიც ქართული მედიისა და სამოქალაქო სექტორის რუსულ კავშირებს იკვლევდა. კვლევაში აღწერილია ორი მსხვილი ანტიდასავლურად განწყობილი ორგანიზაციის - „ევრაზიის ინსტიტუტისა“ და „ევრაზიული არჩევანის“ და მათთან დაკავშირებული სხვა ორგანიზაციებისა და მედია საშუალებების საქმიანობა. კვლევის მიხედვით, ეს ორგანიზაციები და მედიასაშუალებები გამოირჩევიან ანტიდასავლური, ქსენოფობიური და ჰომოფობიური რიტორიკით და მათ ხშირად ერთი და იგივე პირები ხელმძღვანელობენ. აღმოჩნდა, რომ ანტიდასავლური განწყობებით გამორჩეული მედია საშუალებები ხშირად სწორედ რუსულ ფონდებს უკავშირდებიან.

ანტიდასავლური პოლიტიკური დღის წესრიგის მქონე მედია საშუალებებს შორის გამოიკვეთა ონლაინ გამოცემების ჯგუფი, რომლებსაც ერთმანეთთან ფორმალური თუ არაფორმალური თანამშრომლობა აკავშირებთ.

Reportiori.ge

ვებგვერდ Reportiori.ge-ს მფლობელია შპს. „რეპორტიორი“, რომელიც ასევე ფლობს „რეპორტიორის“ პრეს კლუბს. შპს „რეპორტიორი“ მფლობელები გიორგი მამაცაშვილი და ნუგზარ ფოფხაძე არიან, ვებგვერდის აღმასრულებელი რედაქტორი კი ანა ნოდიაა.¹³

გიორგი მამაცაშვილი წლების განმავლობაში გაზეთ „ასავალ-დასავალის“ ჟურნალისტი იყო.¹⁴ გაზეთი „ასავალ-დასავალი“ წლებია გამოირჩევა ანტიდასავლური, ჰომოფობიური და ქსენოფობიური განწყობების ტირაჟირებით, ასევე სიძულვილის ენის ხშირი გამოყენებით, განსაკუთრებით, ყოფილი სახელისუფლებო გუნდის წარმომადგენელთა მიმართ.¹⁵ მედიის განვითარების ფონდის მიერ ჩატარებული მედია მონიტორინგის მიხედვით, ბეჭდური მედიიდან გამოკვეთილად მკაფიო ანტიდასავლურ განწყობებს გაზეთი „ასავალ-დასავალი“ გამოხატავს.¹⁶

ნუგზარ ფოფხაძე წლების განმავლობაში ხელმძღვანელობდა საბჭოთა საქართველოს ტელერადიო მაუწყებლობას და კომუნისტური რეჟიმის დროს ცეკას მდივნის თანამდებობა ეჭირა. 2004 წლამდე ნუგზარ ფოფხაძე თბილისის სახელმწიფო უნივერსიტეტის ჟურნალისტიკის ფაკულტეტის დეკანი იყო. მისი დეკანობის პერიოდში გიორგი მამაცაშვილი ფაკულტეტის სტუდენტების თავმჯდომარე იყო. ნუგზარ ფოფხაძის სახელმა ბოლოს 2014 წლის აგვისტოში გავრცელებულ ფარულ ჩანაწერებთან დაკავშირებით გაიჟღერა.¹⁷

¹² რუსული გავლენა ქართულ არასამთავრობო ორგანიზაციებსა და მედიაზე, damoukidebloba.com, 2015, <http://goo.gl/5NUxpe>, ბოლო წვდომა 2015 წლის 8 ოქტომბერი

¹³ ამონაწერი საჯარო რეესტრის ეროვნული სააგენტოდან, <https://goo.gl/90lj09>, ბოლო წვდომა 2015 წლის 8 ოქტომბერი

¹⁴ „გამომცემლობა „სამშობლოსთან“ მეორე დღეა ჟურნალისტი გიორგი მამაცაშვილი შიმშილობს, <http://humanrights.ge>, 6 მარტი, 2008, <http://goo.gl/AWPCa1>, ბოლო წვდომა 2015 წლის 8 ოქტომბერი


¹⁵ დამოუკიდებელი და ზეპარტიული, ჟურნალი ლიბერალი, N25, აპრილი, 2010, <http://goo.gl/t628xi>, ბოლო წვდომა 2015 წლის 8 ოქტომბერი

¹⁶ ანტიდასავლური პროპაგანდა, მედიის განვითარების ფონდი, 2015, <http://goo.gl/f0VjKM>, ბოლო წვდომა 2015 წლის 8 ოქტომბერი

¹⁷ ფარული ჩანაწერი - ღარიბაშვილმა პოლიტიკური საკითხები მოადგილეს გადააბარა, ტაბულა, <http://goo.gl/yCgSKf>, ბოლო წვდომა, 2015 წლის 8 ოქტომბერი

გიორგი მამაცაშვილი და ნუგზარ ფოფხაძე ასევე აიპ „თავისუფალ ჟურნალისტთა კლუბი VI კორპუსის“ გამგეობის წევრები არიან.¹⁸ ამავე ორგანიზაციის გამგეობის წევრია ყოფილი სახალხო დამცველი და 2012 წლის საპარლამენტო არჩევნებში პარტია „თავისუფალი საქართველოს“ საბურთალოს მაჟორიტარი დეპუტატი ნანა დევდარიანი. ნანა დევდარიანი ევრაზიის ინსტიტუტის გამგეობის თავმჯდომარესთან, გულბაათ რცხილამესთან ერთად, არასამთავრობო ორგანიზაცია „კავკასიური თანამშრომლობის“ გამგეობის წევრია.¹⁹ ორგანიზაცია იმავე სახელწოდებით მოსკოვში 2009 წელს დაარსდა. საქართველოში დაარსებული ორგანიზაცია რუსულ „კავკასიურ თანამშრომლობასთან“ მჭიდრო კავშირს ინარჩუნებს და მისი მიზანი ორ ქვეყანას შორის „სამეცნიერო ურთიერთობების აღდგენაა.“²⁰

როგორც Reportori.ge -ს ვებგვერდზეა აღნიშნული, მალე ვებგვერდის რედაქცია ახალი გაზეთის გამოშვებასაც გეგმავს. მზადების პროცესშია ასევე ონლაინ ტელევიზია „რეპორტიორი ტვ“. ამჟამად Reportori.ge-ზე 30-მდე ადამიანი მუშაობს, თუმცა ვებგვერდის წარმომადგენლის განცხადებით, მათი შემოსავალი მინიმალურია.



¹⁸ ამონაწერი საჯარო რეესტრის ეროვნული სააგენტოდან, <https://goo.gl/jOwBzI>, ბოლო წვდომა 2015 წლის 8 ოქტომბერი

¹⁹ ამონაწერი საჯარო რეესტრის ეროვნული სააგენტოდან, <https://goo.gl/78GXXK>, ბოლო წვდომა 2015 წლის 8 ოქტომბერი

²⁰ მორიგი შეხვედრა კავკასიური თანამშრომლობის ეგიდით, საქინფორმი, <http://goo.gl/5hK5RT>, ბოლო წვდომა 2015 წლის 8 ოქტომბერი

2015 წლის 27 აგვისტოს მონაცემებით ვებგვერდზე მხოლოდ სამი სარეკლამო ბანერი დევს. მათ შორის ერთი ქალაქ თბილისის საკრებულოს ახალი ლიტერატურული კონკურსის, „თბილისის“ ვებგვერდზე გადასასვლელი სარეკლამო ბანერია. ამ მომსახურებისთვის თბილისის საკრებულომ 300 ლარი გადაიხადა.²¹ დამატებით, შპს „რეპორტიორმა“ 2015 წელს ევროპის ახალგაზრდული ოლიმპიადის საორგანიზაციო კომიტეტს 2,500 ლარის, სასჯელაღსრულებისა და პრობაციის სამინისტროს კი 1,620 ლარის მომსახურება გაუწია.²² ვებგვერდზე რეკლამის ფასები 250-დან 1000 ლარამდე მერყეობს, თუმცა „საერთაშორისო გამჭვირვალობა – საქართველოსთან“ ინტერვიუს დროს Reportiori.ge-ს წარმომადგენელმა აღნიშნა, რომ რედაქციას აქვს მინიმალური შემოსავალი ხელმომწერებისგანაც. რამდენადაც ვებგვერდის ყველა მასალა ღიაა და მათზე წვდომა ავტორიზაციას არ საჭიროებს, არ არის ნათელი რა შეთანხმებას დებს ვებგვერდი ხელმომწერებთან და რის სანაცვლოდ იღებს შემოსავალს, რომლის ოდენობასაც Reportiori.ge არ ასახელებს. კვლევის დროს ვერ შევძელით ასევე ინფორმაცია მოგვეპოვებინა ვებგვერდზე მომუშავე ჟურნალისტების საშუალო თვიური ანაზღაურების შესახებ.

Marshallpress.ge

Reportiori.ge-ს თავის პარტნიორ მედია საშუალებად ასახელებს ვებგვერდი Marshallpress.ge. ვებგვერდი Marshallpress.ge 2015 წლის 1 თებერვალს დაარსდა. „საერთაშორისო გამჭვირვალობა – საქართველოსთან“ ინტერვიუს დროს Marshallpress.ge-ს რედაქტორმა, info9.ge-ს²³ ყოფილმა ჟურნალისტმა ოთარ სტეფანიშვილმა (2015 წლის მაისში ოთარ სტეფანიშვილმა შპს „მარშალპრესი.ჯი“ დააარსა, რომლის მფლობელი და დირექტორიც თავადაა) განაცხადა, რომ ვებგვერდს დღეში დაახლოებით 14 000 უნიკალური ვიზიტორი ჰყავს და მას სამ სხვა ვებგვერდთან აქვს პარტნიორული ურთიერთობა. ამ სამიდან ერთი ქართული ვებგვერდი Reportiori.ge არის, ხოლო დანარჩენი ორი ვებგვერდი უკრაინაშია დარეგისტრირებული: slovo.net.ua და wikileaks-ua.livejournal.com. ეს უკრაინული ვებგვერდები პრორუსული განწყობებით და ანტიდასავლური რიტორიკით გამოირჩევიან. ასევე ორივე ვებგვერდი აქტიურად აქვეყნებს მასალებს საქართველოს ყოფილი პრეზიდენტის და ახლანდელი ოდესის ოლქის გუბერნატორის, მიხეილ სააკაშვილის და უკრაინაში მყოფი სხვა ქართველი ყოფილი მაღალჩინოსნების შესახებ.²⁴

ერთ-ერთი ასეთი მასალა, რომელიც ქართულ მედიაში სწორედ Marshallpress.ge-მ გაავრცელა, მიხეილ სააკაშვილის და საქართველოს ყოფილი იუსტიციის მინისტრის, ზურაბ ადეიშვილის შესახებ²⁵ სწორედ slovo.net.ua-ს მიერ იყო გამოქვეყნებული.²⁶ მასალაში მიხეილ სააკაშვილისა და ზურაბ ადეიშვილის სატელეფონო საუბრის ჩანაწერი იყო წარმოდგენილი. ვებგვერდის რედაქციამ მასალას დაურთო შენიშვნა: „მარშალპრესის“ რედაქცია პასუხს არ აგებს უკრაინულ

²¹ ხელშეკრულება მომსახურების სახელმწიფო შესყიდვის შესახებ N170, <https://goo.gl/1npT9A>, ბოლო წვდომა 2015 წლის 8 ოქტომბერი

²² სახელმწიფო შესყიდვების ელექტრონული სისტემა

²³ www.info9.ge - საინფორმაციო სააგენტო, მფლობელი ბაია ცანავა.


²⁴ Екс президент Грузії М. Саакашвілі у розпачі, <http://goo.gl/V0lB1x>, ბოლო წვდომა 2015 წლის 8 ოქტომბერი

²⁵ უკრაინულ მედია სტიქიის შესახებ სააკაშვილ-ადეიშვილის სატელეფონო საუბარს ავრცელებს!, <http://marshallpress.ge>, <http://goo.gl/g5gffG>, ბოლო წვდომა 2015 წლის 8 ოქტომბერი

²⁶ Телефонна розмова Губернатор Одеської області (Саакашвілі) з Прокурором Одеської області (Адеішвілі), <http://slovo.net.ua>, <http://goo.gl/rz0IDy>, ბოლო წვდომა 2015 წლის 8 ოქტომბერი

მედიაში გავრცელებული ინფორმაციის სიზუსტეზე.” უკრაინულ ვებგვერდზე ე.წ. სატელეფონო ჩანაწერი მხოლოდ ბეჭდური სახით იყო წარმოდგენილი და არ ახლდა აუდიო ფაილი. მიუხედავად ამისა, მასალას უშუალოდ ვებგვერდზე მოჰყვა რამდენიმე ათეული კომენტარი, 38 ათასზე მეტი ნახვა, 800- მდე მოწონება და 1500-ზე მეტი გაზიარება Facebook-ის მომხმარებლების მიერ.

თავის მხრივ ეს მასალა გაავრცელეს გაზეთმა „ასავალ-დასავალი“²⁷, Marshallpress.ge-ს პარტნიორმა მედიასაშუალებამ Reportiori.ge²⁸ და ვებგვერდმა Geonews.ge²⁹, რომელიც გაზეთ „საქართველოს რესპუბლიკის“ ონლაინ პლატფორმაა.



ინფორმაციის გავრცელება Marshallpress.ge-ს მიერ

²⁷ დიტო ჩუბინიძე, გაზეთი „ასავალ-დასავალი“ #25, 22-28 ივნისი, 2015

²⁸ მიხეილ სააკაშვილი: მაგრად უნდა ვიკაიფო, თუ ნიანგმა შეჭამა ვინმე, ან ბიძინას ბაღში თუ შეეპარათ როგორმე მხეცები!, <http://reportiori.ge>, <http://goo.gl/05rewQ>, ბოლო წვდომა 2015 წლის 8 ოქტომბერი

²⁹ ვიკაიფებ, თუ ნიანგმა შეჭამა ვინმე, ან ბიძინას "პინგვინებში" შეუშვებენ მხეცებს, ეს უკეთესი იქნება - მიხეილ სააკაშვილისა და ზურაბ ადეიშვილის საუბარი, <http://geonews.ge>, <http://goo.gl/hrsWtl>, ბოლო წვდომა 2015 წლის 8 ოქტომბერი

Geworld.ge და Saqinform.ge

Geworld.ge და Saqinform.ge თითქმის ერთდროულად დაფუძნდა და პარტნიორულ რეჟიმში მოქმედებენ. ვებგვერდების წარმომადგენლებმა „საერთაშორისო გამჭვირვალობა – საქართველოს“ მკვლევარებთან საუბარი არ ისურვეს. ორივე მედია საშუალება ანტიდასავლური პოლიტიკური განწყობებით გამოირჩევა. „მედიის განვითარების ფონდის“ მიერ ჩატარებული კვლევის მიხედვით, Geworld.ge და Saqinform.ge ლიდერობენ ონლაინ მედია საშუალებებს შორის ანტიდასავლური განწყობების კულტივირებითა და ტირაჟირებით.³⁰ Damoukidebloba.com-ის მიერ ჩატარებულ კვლევაში კი ამ ვებგვერდებს ცალკე ქვეთავები ეძღვნება. კვლევა ნათლად აჩვენებს აღნიშნული მედია საშუალებების პირდაპირ კავშირს რუსული გავლენის ქვეშ მყოფ ორგანიზაციებთან.³¹

გაზეთი „საქართველო და მსოფლიო“ 2009 წელს დაარსდა. გაზეთის გამომცემელი აიპ „ისტორიული მემკვიდრეობა“, მისი მთავარი რედაქტორი კი ირაკლი თოდუა.³² ირაკლი თოდუა „ასავალ-დასავალის“ რედაქტორთან, ლაშა ნადარეიშვილთან ერთად „საქართველოს ჟურნალისტთა შემოქმედებითი კავშირის“ გამგეობის წევრია.³³ დღეს გაზეთს აქვს ონლაინ პლატფორმა Geworld.ge, რომელიც დამოუკიდებელ კონტენტს აწარმოებს. ვებგვერდი სამენოვანია და ყოველდღიურად ახლდება.

საინფორმაციო სააგენტო „საქინფორმი“, რომლის ონლაინ პლატფორმაც Saqinform.ge, 2010 წელს დაარსდა და მისი რედაქტორია არნო ხიდირბეგიშვილი (არნო ხიდირბეგიშვილის არის 2013 წლის აპრილში დარეგისტრირებული შპს „ქართული საინფორმაციო სააგენტო საქინფორმის“ დირექტორი და მფლობელი³⁴). როგორც Geworld.ge-ის, ისე „საქინფორმის“ ვებგვერდების დომენი „ისტორიული მემკვიდრეობის“ ხელმძღვანელის, ტარას გაგნიძის სახელზეა რეგისტრირებული. ორივე მედია საშუალება, ისევე როგორც მათი დომენების მფლობელი ორგანიზაცია „ისტორიული მემკვიდრეობა“, „ევრაზიის ინსტიტუტის“ პარტნიორები არიან. ორივე მედია საშუალების ვებგვერდიდან გადასვლა შესაძლებელია ევრაზიის ინსტიტუტის ვებგვერდზე „პარტნიორების“ განყოფილებაში განთავსებული სარეკლამო ბანერებით.

Geworld.ge და Saqinform.ge-სთან ერთად „ევრაზიის ინსტიტუტის“ პარტნიორები არიან Georus.org – „სახალხო მოძრაობა ქართულ-რუსული დიალოგისა და თანამშრომლობისთვის“ და ლევ გუმბელის ცენტრი. „ევრაზიის ინსტიტუტი“ საქართველოში 2009 წელს დაფუძნდა. ორგანიზაცია „ევრაზიის ინსტიტუტის“ დამფუძნებლები არიან გულბაათ რცხილაძე და გიორგი ვეკუა. გულბაათ რცხილაძე პარალელურად არის გამგეობის წევრი ორგანიზაციაში,

³⁰ ანტიდასავლური პროპაგანდა, მედიის განვითარების ფონდი, 2015, <http://goo.gl/f0VjKM>, ბოლო წვდომა 2015 წლის 8 ოქტომბერი

³¹ რუსული გავლენა ქართულ არასამთავრობო ორგანიზაციებზე და მედიაზე, damoukidebloba.com, 2015, <http://goo.gl/5NUxpe>, ბოლო წვდომა 2015 წლის 8 ოქტომბერი

³² <http://geworld.ge>, ბოლო წვდომა 2015 წლის 8 ოქტომბერი


³³ ამონაწერი საჯარო რეესტრის ეროვნული სააგენტოდან, <https://goo.gl/iuJLLO>, ბოლო წვდომა 2015 წლის 8 ოქტომბერი

³⁴ ამონაწერი საჯარო რეესტრის ეროვნული სააგენტოდან, <https://goo.gl/2NXT9I>, ბოლო წვდომა 2015 წლის 8 ოქტომბერი

“კავკასიური თანამშრომლობა”. ამავე ორგანიზაციის გამგეობის წევრია ნანა დევდარიანიც, რომელიც Reportiori.ge-ს მფლობელებთან – ნუგზარ ფოფხაძესთან და გიორგი მამაცაშვილთან ერთად აიბ „თავისუფალ ჟურნალისტთა კლუბი VI კორპუსის“ გამგეობის წევრია.³⁵ „ევრაზიის ინსტიტუტი“ ღიად პრორუსული ორგანიზაციაა, „დღესდღეობით ევრაზიის ინსტიტუტის მთავარ პრიორიტეტად რჩება რუსულ-ქართული ურთიერთობები – როგორც ამ ურთიერთობების ანალიზი, ისე მათი გაუმჯობესებისათვის პრაქტიკული ხელშეწყობა,“ – ვკითხულობთ ორანიზაციის შუალედური შედეგების ანგარიშში.³⁶

TB24.ge

ვებგვერდი tb24.ge 2015 წლის 1 აპრილს დაარსდა. მისი რედაქტორის, გოჩა ნაჭყებიას ინფორმაციით, ვებზე დასაქმებულია 2 ჟურნალისტი და 1 კონსულტანტი, თუმცა 2015 წლის 30 ივნისის მდგომარეობით ვებგვერდს არც სარეკლამო და არც სხვა რაიმე ტიპის შემოსავალი არ გააჩნდა. ვებგვერდისთვის ყოველდღიურად დაახლოებით 16 მასალა მზადდება და რედაქცია სხვა ონლაინ მედიების მიერ მომზადებულ მასალებსაც აქვეყნებს, თუმცა წყაროს მითითებით.³⁷



ვებგვერდ TB24.ge-ს კავშირები

³⁵ ამონაწერი საჯარო რეესტრის ეროვნული სააგენტოდან, <https://goo.gl/ohukfu>, ბოლო წვდომა 2015 წლის 8 ოქტომბერი

³⁶ 5 წელი ევრაზიის ინსტიტუტი - შუალედური შედეგები, ევრაზიის ინსტიტუტი, 2014, <http://goo.gl/NFtXah>, ბოლო წვდომა 2015 წლის 8 ოქტომბერი

³⁷ მიმოწერა გოჩა ნაჭყებიასთან

ვებგვერდი შპს „თბილისი 24“-მა დაარეგისტრირა, რომლის დირექტორიც გოჩა ნაჭყებიაა. კომპანიის მფლობელები კი გოჩა ნაჭყებია (50%) და მაია შაიშმელაშვილი (50%) არიან.³⁸ გოჩა ნაჭყებია რამდენიმე არასამთავრობო ორგანიზაციის გამგეობის წევრია. მათ შორისაა 2013 წლის დეკემბერში რეგისტრირებული ორგანიზაცია „საზოგადოებრივი მონიტორინგის ცენტრი“, რომლის გამგეობის თავმჯდომარეც პატიმრების წამების ამსახველი კადრების ავტორი ვლადიმერ ბედუკაძეა, მისი კიდეც ერთი წევრი კი „ასავალ-დასავალის“ ჟურნალისტი ზაზა დავითაიაა.³⁹

Ttaoba.ge

ზაზა დავითაიას სახელი გაზეთ „ასავალ-დასავალის“ გარდა ორი ახალგაზრდული ორგანიზაციის, „თავისუფალი თაობისა“ და „თავისუფალი ზონის“ დაპირისპირებასაც უკავშირდება.⁴⁰ სწორედ ზაზა დავითაიასა და „თავისუფალი ზონის“ წევრებს შორის მომხდარი ინციდენტი გახდა „თავისუფალი თაობის“ მიერ „თავისუფალი ზონის“ ოფისის დარბევის საბაზი. თუმცა აღნიშნული ორგანიზაციები ზაზა დავითაიასთან დაკავშირებულ ინციდენტამდეც უპირისპირდებოდნენ ერთმანეთს. დაპირისპირების მთავარი თემა კი მათი პოლიტიკური გემოვნება იყო.⁴¹ „თავისუფალი თაობა“ საპროტესტო აქციებით მოითხოვდა ოპოზიციური პოლიტიკური პარტიის, „ნაციონალური მოძრაობის“ საქმიანობის აკრძალვას.⁴² „თავისუფალი ზონა“ კი აქტიურად აკრიტიკებდა „ქართული ოცნების“ მმართველ პოლიტიკურ ძალას და მას პრორუსულობასა და ანტიდასავლურობაში სდებდა ბრალს⁴³, ხოლო „თავისუფალ თაობას“ „ქართული ოცნების“ სატელიტ არასამთავრობო ორგანიზაციად მოიხსენიებდა.⁴⁴ ორივე ახალგაზრდულ ორგანიზაციას აქვს ონლაინ პლატფორმა, რომელზეც პოლიტიკური შინაარსის ახალი ამბები, მოსაზრებები თუ ანალიტიკური სტატიის ჟანრის მასალები ქვეყნდება.

ააიპ „ახალგაზრდული მოძრაობა - თავისუფალი თაობა“ ოფიციალურად 2014 წლის 13 ნოემბერს დაფუძნდა⁴⁵, თუმცა ორგანიზაციის ოფიციალურ დაფუძნებამდე საინიციატივო

³⁸ ამონაწერი საჯარო რეესტრის ეროვნული სააგენტოდან, <https://goo.gl/fmx51H>, ბოლო წვდომა 2015 წლის 8 ოქტომბერი

³⁹ ამონაწერი საჯარო რეესტრის ეროვნული სააგენტოდან, <https://goo.gl/7maiWk>, ბოლო წვდომა 2015 წლის 8 ოქტომბერი

⁴⁰ თავისუფალი ზონის წევრები ზაზა დავითაიას ცემის ბრალდებით დააკავეს, ტაბულა, <http://goo.gl/Dc48AA>, ბოლო წვდომა 2015 წლის 8 ოქტომბერი

⁴¹ თავისუფალი თაობა VS თავისუფალი ზონა - დაპირისპირება ენმ-ის ოფისთან, ნეტგაზეთი, <http://goo.gl/ghePFf>, ბოლო წვდომა 2015 წლის 8 ოქტომბერი

⁴² თავისუფალი თაობა VS თავისუფალი ზონა ენმ-ს ოფისთან, ნეტგაზეთი, <https://goo.gl/RW6M2>, ბოლო წვდომა 2015 წლის 8 ოქტომბერი

⁴³ თავისუფალი ზონა აქცია ნატოს მხარდასაჭერი და ქართული ოცნების პრო რუსული მთავრობის კრიტიკა, <https://goo.gl/mDvtVt>, ბოლო წვდომა 2015 წლის 8 ოქტომბერი

⁴⁴ ბრძოლა თავისუფლების სახელით, რადიო თავისუფლება, <http://goo.gl/sYC3gB>, ბოლო წვდომა 2015 წლის 8 ოქტომბერი

⁴⁵ ამონაწერი საჯარო რეესტრის ეროვნული სააგენტოდან, <https://goo.gl/a6tQSK>, ბოლო წვდომა 2015 წლის 8 ოქტომბერი

ჯგუფი სხვადასხვა აქტივობებს მართავდა. არაფორმალური ჯგუფის და შემდეგ ორგანიზაციის ერთ-ერთი დამფუძნებელი და ლიდერია ვლადიმერ სადღობელაშვილი.

ვლადიმერ სადღობელაშვილი კიდევ ერთი ორგანიზაციის, ააიპ „მოდრაობა მამული, ენა, სარწმუნოებას“ დამფუძნებელია. ეს ორგანიზაცია ოფიციალურად 2011 წლის იანვარში დარეგისტრირდა⁴⁶ და მაშინვე აქტიურად ჩაერთო ოპოზიციურ პოლიტიკურ საქმიანობაში. ვლადიმერ სადღობელაშვილის და მისი ორგანიზაციის აქტივობები ძირითადად საქართველოს ციხეებში არსებული ვითარების გაპროტესტებას, პატიმრებისათვის ფართომასშტაბიანი ამნისტიის ინიციატივის მხარდაჭერას და „ნაციონალური მოძრაობის“ და მისი ლიდერების წინააღმდეგ აქციების მოწყობას გულისხმობდა.⁴⁷ ახლადდაფუძნებული და ყველასთვის უცნობი ორგანიზაციის აქტივობებს აქტიურად აშუქებდნენ ანტიდასავლური განწყობებით ცნობილი მედიები. (მაგალითისთვის იხილეთ შემდეგი მასალები: Saqinform.ge, Geonews.ge, Geworld.ge, Reportiori.ge, ტელეარხი „ობიექტივი“ და ა.შ.)⁴⁸ კიდევ ერთი საკითხი, რომელიც ვლადიმერ სადღობელაშვილის და მისი ორგანიზაციის დღის წესრიგში იდგა⁴⁹ და დღესაც აქტუალურია ამჟამად უკვე სადღობელაშვილის ახალი ორგანიზაციისთვის „თავისუფალი თაობა“, არის სექსუალური უმცირესობებთან დაკავშირებული თემები.⁵⁰

დღეს ორგანიზაცია „თავისუფალი თაობის“ საქმიანობა თითქმის მთლიანად მიმართულია ყოფილი მმართველი პარტიის, ამჟამად საპარლამენტო ოპოზიციაში მყოფი „ნაციონალური მოძრაობის“ წინააღმდეგ. ამას მოწმობს ორგანიზაციის ვებგვერდზე Ttaoba.ge გამოქვეყნებული მასალები და „ნაციონალური მოძრაობის“ ოფისებთან და მისი ლიდერების სახლებთან ორგანიზაციის მიერ მოწყობილი აქციები.⁵¹ 2014 წლის შემოდგომაზე ორგანიზაციის აქტივისტები ამ პარტიის "აკრძალვასაც" მოითხოვდნენ.⁵² 2015 წლის 2 მარტს ერთიანი ნაციონალური მოძრაობის ოფისთან ექვსი ადამიანი, მათ შორის, თავისუფალი თაობის ლიდერი ლადო სადღობელაშვილი დააკავეს.⁵³ მათ ენმ-ის ოფისს საღებავები და კვერცხები ესროლეს და მოითხოვდნენ პარტიას არ ჩაეტარებინა 21 მარტს დაგეგმილი საპროტესტო აქცია. „თავისუფალი თაობის“ საინფორმაციო ვებგვერდზე

⁴⁶ ამონაწერი საჯარო რეესტრის ეროვნული სააგენტოდან, <https://goo.gl/9KShPt>, ბოლო წვდომა 2015 წლის 8 ოქტომბერი

⁴⁷ მოძრაობა "არა" და "მამული, ენა, სარწმუნოება" აშშ-ს საელჩოსთან აქციას მართავენ, საზოგადოებრივი მაუწყებელი, <http://goo.gl/GHUnDl>, ბოლო წვდომა 2015 წლის 8 ოქტომბერი

⁴⁸ მასალები განთავსებულია შემდეგ ბმულებზე: <http://goo.gl/9Wpyjf>, <http://goo.gl/tXOX6g>, <http://goo.gl/G18yb9>, <http://goo.gl/5p5CwQ>, <https://goo.gl/9KYQDq>, ბოლო წვდომა 2015 წლის 8 ოქტომბერი

⁴⁹ ლადო სადღობელაშვილი: სააკაშვილი, CNN-იდან BBC-ში კი არა, სასამართლოდან სასამართლოში უნდა დარბოდეს, საქართველო და მსოფლიო, <http://goo.gl/nV7T9d>, ბოლო წვდომა 2015 წლის 8 ოქტომბერი

⁵⁰ "თავისუფალი თაობა" - არა ერთსქესიანთა ქორწინებას საქართველოში, <http://goo.gl/5hwKK0>, ბოლო წვდომა 2015 წლის 8 ოქტომბერი

⁵¹ თავისუფალმა თაობამ გიგა ბოკერიას სახლთან აქცია გამართა, ტაბულა, <http://goo.gl/HSQl8d>, ბოლო წვდომა 2015 წლის 8 ოქტომბერი

⁵² თავისუფალი თაობა VS თავისუფალი ზონა - დაპირისპირება ენმ-ის ოფისთან, ნეტგაზეთი, <http://goo.gl/pYIdfK>, ბოლო წვდომა 2015 წლის 8 ოქტომბერი

⁵³ ენმ-ის ოფისთან ექვსი ადამიანი, მათ შორის, ლადო სადღობელაშვილი დააკავეს, ტაბულა, <http://goo.gl/250IDQ>, ბოლო წვდომა 2015 წლის 8 ოქტომბერი

გამოქვეყნებული ანალიტიკური სტატიების ჟანრის მასალების ავტორები უშუალოდ ორგანიზაციის წევრები და მათი ლიდერი, ლადო სადღობელაშვილი არიან.

ონლაინ მედიები ოპოზიციური პოლიტიკური დღის წესრიგით

2012 წლის საპარლამენტო არჩევნებში ერთიანი ნაციონალური მოძრაობის დამარცხების შემდეგ შეიქმნა რამდენიმე არასამთავრობო თუ სამოქალაქო ორგანიზაცია, რომლებიც თავიანთი საქმიანობის ფარგლებში საინფორმაციო პორტალებსაც ამუშავებენ. ეს ორგანიზაციები და მათი ვებგვერდები ხშირად პირდაპირ არიან დაკავშირებული ყოფილი მმართველი გუნდის წევრებთან, ყოფილ მაღალჩინოსნებთან ან მათი ოჯახის წევრებთან. აღნიშნული ონლაინ მედიების საერთო ნიშანი მოქმედი ხელისუფლების საქმიანობის გაშუქებისას მკვეთრად გამოხატული კრიტიკული და ხშირად ნეგატიური ტონია, რაც მედიების მფლობელებისა და დამფუძნებლების პოლიტიკური გემოვნებით არის განპირობებული.

Tzona.org

ააიპ “კლუბი თავისუფალი ზონა” 2012 წლის საპარლამენტო არჩევნების შემდეგ ერთიანი ნაციონალური მოძრაობის წევრმა, კობა ხაბაზმა დააფუძნა. ოფიციალურად ორგანიზაციის დაფუძნება 2013 წლის 21 მაისს გაფორმდა. აღმასრულებელ დირექტორთან, კობა ხაბაზთან ერთად კლუბის გამგეობის წევრები არიან გელა ვასაძე და არსენი ონიანი.⁵⁴

კობა ხაბაზი 2008 წლის მოწვევის პარლამენტის წევრი იყო ერთიანი ნაციონალური მოძრაობის სიით. 2012 წლის საპარლამენტო არჩევნების შემდეგ კობა ხაბაზისა და მისი ორგანიზაციის პოლიტიკური აქტივობები ერთი მხრივ გამოხატულად ოპოზიციური ხასიათის იყო, მეორე მხრივ, მიმართული იყო პრორუსული დღის წესრიგის მქონე ორგანიზაციებისა და პოლიტიკური ჯგუფების წინააღმდეგ⁵⁵. რამდენჯერმე თავისუფალი ზონის წევრები დაკავებულები და დაჯარიმებულები იყვნენ საპროტესტო აქციებისას მომხდარ ინციდენტებში მონაწილეობის ბრალდებით. განსაკუთრებული ყურადღების ცენტრში მოექცა “თავისუფალი ზონის” “თავისუფალ თაობასთან” და “ევრაზიის კავშირის” მომხრეებთან⁵⁶ დაპირისპირების შემთხვევები.

“კლუბი თავისუფალი ზონა” ამუშავებს ორგანიზაციის ვებგვერდს www.tzona.org, რომელზეც გარდა ორგანიზაციის საქმიანობის ამსახველი საინფორმაციო შენიშვნებისა, ქვეყნდება ანალიტიკური სტატიების ჟანრის მასალები სხვადასხვა პოლიტიკურ, სოციალურ თუ ეკონომიკურ საკითხებზე. “თავისუფალი ზონა” რომ 2012 წლის არჩევნების შემდეგ ენმ-ის მხარდასაჭერად შეიქმნა, ორგანიზაციის წევრებს არაერთხელ საჯაროდ დაუფიქსირებიათ⁵⁷. ვებგვერდზე გამოქვეყნებულ მასალებშიც მკვეთრადაა გამოხატული ავტორების

⁵⁴ ამონაწერი საჯარო რეესტრის ეროვნული სააგენტოდან, <https://goo.gl/Iu78tG>, ბოლო წვდომა 2015 წლის 8 ოქტომბერი

⁵⁵ თავისუფალმა ზონამ ბიზნესცენტრთან აქცია - არა სოჭის ოლიმპიადას - გამართა, ტაბულა, <http://goo.gl/1VMMPK>, ბოლო წვდომა 2015 წლის 8 ოქტომბერი

⁵⁶ ევრაზიული არჩევანისა და თავისუფალი ზონის წევრები ერთმანეთს დაუპირისპირდნენ, ტაბულა <http://goo.gl/bh5Zpo>, ბოლო წვდომა 2015 წლის 8 ოქტომბერი

⁵⁷ ბრძოლა თავისუფლების სახელით, რადიო თავისუფლება, <http://goo.gl/uAMxCU>, ბოლო წვდომა 2015 წლის 8 ოქტომბერი

პოლიტიკური სიმპათიები ყოფილი სახელისუფლებო გუნდის, მისი წევრებისა და ექს პრეზიდენტის, მიხეილ სააკაშვილის მიმართ.

თავისუფალი ზონის წარმომადგენლის განცხადებით, ვებგვერდზე დაახლოებით 13 ადამიანი მუშაობს. ისინი ანაზრაურებას არ იღებენ. ვებგვერდს არ აქვს არც სარეკლამო და არც რაიმე სხვა სახის შემოსავალი.

ვებგვერდი თითქმის ყოველდღიურად ახლდება და აქტიურად იყენებს სხვადასხვა ონლაინ პლატფორმებს, მათ შორის სოციალური ქსელის, ფეისბუქის გვერდსაც⁵⁸. აღსანიშნავია, რომ სოციალურ ქსელში დარეგისტრირებულია კლუბის რამდენიმე რეგიონული ფილიალიც.

Freshnews.ge

ინტერნეტ ტელევიზია Fresh news 2014 წელს დაარსდა. მისი მფლობელია შპს “ალტერნატიული ნიუს ტელევიზია”, რომელიც 2014 წლის 30 მაისს ოფიციალურად დარეგისტრირდა. საჯარო რეესტრის მონაცემებით, შპს “ალტერნატიული ნიუს ტელევიზიის” მფლობელები ჟურნალისტი ნანუკა ჟორჟოლიანი (70%) და მათე კირვალიძე (30%) არიან.⁵⁹ ნანუკა ჟორჟოლიანი ასევე ფლობს შპს “ნანუკა ჟორჟოლიანის შოუს” 100%-ს, რომელიც ტელეკომპანია “რუსთავი 2”-ის თოქშოუს, “ნანუკას შოუს” ამზადებს. მათე კირვალიძე კი ვებგვერდ <http://pirveliradio.ge> -ს რედაქტორია. ეს ვებგვერდი “პირველი რადიოს” (FM 106,4) დამატებაა, თუმცა ორიგინალურ კონტენტსაც აწარმოებს და საზოგადოებრივ-პოლიტიკურ თემებსაც აშუქებს.

2012 წლის საპარლამენტო არჩევნების შედეგად ხელისუფლების ცვლილების შემდეგ ნანუკა ჟორჟოლიანი სოციალური ქსელის პირად გვერდზე ღიად გამოხატავდა კრიტიკულ დამოკიდებულებას ახალი მმართველი გუნდის და კონკრეტულად ბიძინა ივანიშვილის მიმართ. ინტერნეტ ტელევიზია Freshnews.ge-ც გამოირჩევა ღიად გამოხატული ოპოზიციური განწყობებით. ვებგვერდზე გამოქვეყნებული მასალების უმრავლესობა ნეგატიური ტონით აშუქებს ხელისუფლების სხვადასხვა შტოს თუ კონკრეტული მაღალჩინოსნების საქმიანობას ხშირად მეორე მხარის პოზიციის გაშუქების გარეშე (მაგალითად სპეციალური რეპორტაჟი “იძებნება თინა ხიდაშელი”⁶⁰ და ა.შ.)

Editori.ge

საინფორმაციო სააგენტო Editori.ge 2014 წელს შპს “დროანიუსმა” დააფუძნა. სააგენტო ააიპ “ინოვაციებისა და განვითარების ფონდის” (IDF - www.idf.ge) პარტნიორია. IDF ოფიციალურად 2014 წლის თებერვალში დაფუძნდა და მისი დამფუძნებელია⁶¹ საქართველოს პარლამენტის წევრი ერთიანი ნაციონალური მოძრაობის სიით, გიორგი ვაშაძე. ფონდის სხვა ექსპერტები (ჯაბა ებანოიძე, გიორგი გაბრიელაშვილი, ნატო გაგნიძე, სერგო წიქარიშვილი, ნინო ჩიჩუა, მუხრან ბურჭულაძე გიორგი წიქარიშვილი, და ა.შ.) იყვნენ სამოქალაქო და

⁵⁸ ევრაზიული არჩევანისა და თავისუფალი ზონის წევრები ერთმანეთს დაუპირისპირდნენ, ტაბულა <http://goo.gl/1RN34x>, ბოლო წვდომა 2015 წლის 8 ოქტომბერი

⁵⁹ ამონაწერი საჯარო რეესტრი ეროვნული სააგენტოდან, <https://goo.gl/t0iVwN>, ბოლო წვდომა 2015 წლის 8 ოქტომბერი

⁶⁰ იძებნება თინა ხიდაშელი, ფრეშ ნიუსი, <http://goo.gl/gTYLMI>, ბოლო წვდომა 2015 წლის 8 ოქტომბერი

⁶¹ ინოვაციების განვითარების ფონდი, http://idf.ge/?page=news&menu_id=31, ბოლო წვდომა 2015 წლის 8 ოქტომბერი

საჯარო რეესტრების, საგადასახადო სისტემის და ელექტრონული სერვისების რეფორმების, იუსტიციის სახლის პროექტის უშუალო ინიციატორები და მენეჯერები. კიდევ ერთი საინფორმაციო პორტალი, რომელიც დაკავშირებულია “ინოვაციებისა და განვითარების ფონდთან” და საინფორმაციო სააგენტო Editori.ge-სთან არის კახეთის რეგიონული ინტერნეტ გაზეთი და არასამთავრობო ორგანიზაცია Mediatori.ge. საინფორმაციო სააგენტო Editori.ge უშუალოდ IDF -ის ოფისში ფუნქციონირებს. “ინოვაციებისა და განვითარების ფონდის” პარტნიორების ჩამონათვალშია⁶² უკრაინის რამდენიმე სამთავრობო უწყება, ასევე გიორგი ვაშაძის მიერ დაარსებული “კომპიუტერის ცოდნის გამავრცელებელი საზოგადოება”. მიუხედავად იმისა, რომ “ინოვაციებისა და განვითარების ფონდის” ძირითადი მიზნები და საქმიანობა ინოვაციური და საანმანათლებლო პროექტების მხარდაჭერა და განვითარებაა, ჯგუფის პოლიტიკური სიმპათიები დამფუძნებლების აქტიური პოლიტიკური საქმიანობიდან და საერთაშორისო პარტნიორობიდან გამომდინარე ცალსახაა. საინფორმაციო სააგენტო Editori.ge აშუქებს პოლიტიკურ ახალ ამბებს და ვებგვერდზე ამოქვეყნებული მასალების უმრავლესობა კრიტიკული შინაარსისაა მმართველი პოლიტიკური გუნდის და ასევე კონკრეტულად ყოფილი პრემიერის, ბიძინა ივანიშვილის მიმართ. Editori.ge არ ყიდის რეკლამას, არ აქვს სხვა რაიმე ტიპის შემოსავალი და ვებგვერდის მომზადებაზე 6 მოხალისე მუშაობს.



ონლაინ მედიები ოპოზიციური პოლიტიკური დღის წესრიგით - Editori.ge, Mediatori.ge, Tzona.org

⁶² ინოვაციების განვითარების ფონდი, <http://goo.gl/AVb6zY>, ბოლო წვდომა 2015 წლის 8 ოქტომბერი

lveria.biz

საინფორმაციო პორტალი iveria.biz რამდენიმე წელია აქვეყნებს ანალიტიკურ სტატიებს საგარეო და საშინაო პოლიტიკის თემებზე, ეკონომიკასა და საერთაშორისო ახალ ამბებზე. ვებპორტალის დამფუძნებლებს⁶³ შორის არიან ერთიანი ნაციონალური მოძრაობის მმართველობის პერიოდის რამდენიმე მაღალჩინოსანი: კულტურის ყოფილი მინისტრი ნიკა რურუა, საგარეო საქმეთა ყოფილი მინისტრი გრიგოლ ვაშაძე, საგარეო საქმეთა მინისტრის ყოფილი მოადგილეები ნინო კალანდაძე და ნიკოლოზ ვაშაკიძე, საქართველოს ყოფილი ელჩი საფრანგეთში მამუკა კუდავა. საზოგადოება “ივერია”, რომელიც ქმნის ვებპორტალს iveria.biz 2015 წლის მარტში საზოგადოებრივ მოძრაობად გარდაიქმნა და 2016 წლის საპარლამენტო არჩევნებში მონაწილეობის განზრახვა საჯაროდ დააფიქსირა⁶⁴.

მთავრობის ადმინისტრაციასთან დაკავშირებული ონლაინ მედიები

Agenda.ge

ინგლისურენოვანი საინფორმაციო ვებგვერდი Agenda.ge საზოგადოების ყურადღების ცენტრში პირველად 2014 წლის ოქტომბერში მოექცა მას შემდეგ რაც International New York Times-ში საქართველოს პარლამენტის თავმჯდომარის ავტორობით ყოფილი პრემიერის, ბიძინა ივანიშვილის და საქართველოს ექს-პრეზიდენტის, მიხეილ სააკაშვილის შესახებ სტატია “სააკაშვილს მისი წარსული სდევნის და არა პუტინის "თანამზრახველი" ივანიშვილი”⁶⁵ გამოქვეყნდა. სტატიის გამოსაქვეყნებლად გამოცემის მთელი სარეკლამო გვერდი იყო ნაყიდი და საერთაშორისო გამოცემის განმარტებით, აღნიშნულ მომსახურებაში თანხა სწორედ Agenda.ge-ს ჰქონდა გადახდილი.

agenda.ge არ არის დარეგისტრირებული, როგორც ცალკე იურიდიული პირი, ის საქართველოს მთავრობის კანცელარიის სტრუქტურული ერთეულია. დომეინების რეგისტრაციის ერთიან ბაზაში Registration.ge, www.agenda.ge დომეინი კანცელარიის სახელზეა რეგისტრირებული და განთავსებულია სამთავრობო სერვერზე. ვებგვერდზე მითითებული საკონტაქტო ნომრები და მისამართი ემთხვევა კანცელარიის საკონტაქტო ინფორმაციას. როდესაც მედია დაინტერესდა დაიხარჯა თუ არა სააგენტოს გავლით საბიუჯეტო თანხები, ფინანსთა მინისტრმა ნოდარ ხადურმა განაცხადა⁶⁶, რომ Agenda.ge არ არის საბიუჯეტო ორგანიზაცია და რომ New York Times-ში თანხები არ გადარიცხულა ხაზინის მეშვეობით.

“საერთაშორისო გამჭვირვალობა - საქართველოს” კითხვებს ვებგვერდის დაფუძნებისა და მისი შემოსავლების, ასევე იქ დასაქმებული თანამშრომლების რაოდენობის შესახებ Agenda.ge-მ არ უპასუხა. “საქართველოს მთავრობის მიერ ინიცირებული ვებსაიტი Agenda.ge გთავაზობთ მნიშვნელოვანი თემების ღრმა ანალიზს”, ვკითხულობთ ვებსაიტის “ჩვენ შესახებ” სექციაში. ვებსაიტზე დაყრდნობით, სულ მალე ეს ვებგვერდი ხელმისაწვდომი იქნება კიდევ 6 ენაზე.

⁶³ ივერია, <http://goo.gl/kYiUC3>, ბოლო წვდომა 2015 წლის 8 ოქტომბერი

⁶⁴ ორგანიზაცია “ივერია” 2016 წლის საპარლამენტო არჩევნებში მონაწილეობას გეგმავს, ინტერპრესნიუსი, <http://goo.gl/Y037nx>, ბოლო წვდომა 2015 წლის 8 ოქტომბერი

⁶⁵ სააკაშვილს მისი წარსული სდევნის და არა პუტინის “თანამზრახველი” ივანიშვილი, ინტერნათიონალ ნიუ იორკ თაიმსი, <http://goo.gl/dlZNoI>, ბოლო წვდომა 2015 წლის 8 ოქტომბერი

⁶⁶ ხადური: agenda.ge საბიუჯეტო ორგანიზაცია არ არის, ტაბულა, <http://goo.gl/i3eapV>, ბოლო წვდომა 2015 წლის 8 ოქტომბერი

Irakligaribashvili.ge

ვებსაიტი Irakligaribashvili.ge პრემიერ მინისტრ ირაკლი ღარიბაშვილის ოფიციალურ ფეისბუქის გვერდზეა მითითებული კიდეც ორ ვებსაიტთან ერთად: www.prime-minister.ge და www.irakligaribashvili.com. ონლაინ რესურსი Irakligaribashvili.ge 2015 წლის მაისი-ივნისის პერიოდში საკმაოდ აქტიურად, ყოველდღიურ რეჟიმში ახლდებოდა. „საერთაშორისო გამჭვირვალობა - საქართველო“ დაუკავშირდა ვებსაიტის ადმინისტრატორს და რედაქტორს ბექა მჭედლიშვილს, რომლის განმარტებითაც Irakligaribashvili.ge „პრემიერ-მინისტრის ოფიციალური გვერდია. შესაბამისად, მას არ გააჩნია რაიმე ტიპის სარეკლამო თუ საგრანტო შემოსავალი და არ არის სააგენტო.“ ჩვენს კითხვაზე რა წყაროებით ფინანსდება პრემიერის ოფიციალური გვერდი, ბექა მჭედლიშვილმა გვთხოვა ინფორმაციისთვის „ოფიციალურად მიგვეწერა საქართველოს მთავრობის ადმინისტრაციის მეილზე“, რათა პასუხი ოფიციალურად გაცემოდა. „საერთაშორისო გამჭვირვალობა - საქართველომ“ გააგზავნა პრემიერ-მინისტრის ოფიციალური გვერდის რედაქტორის და ადმინისტრატორის მიერ მითითებული ელ-ფოსტის მისამართებზე ოფიციალური წერილი ჩვენთვის საინტერესო კითხვებით ვებსაიტთან დაკავშირებით, თუმცა პასუხი არ მიუღია. საჯარო ინფორმაციის გამოთხოვის წერილზე კი მთავრობის ადმინისტრაციამ გვიპასუხა⁶⁷, რომ irakligaribashvili.ge კერძო პირის მფლობელობაშია და მთავრობის ადმინისტრაციას ამ ვებგვერდთან დაკავშირებით ხარჯი არ აქვს გაწეული. პრემიერ-მინისტრის ოფიციალური ვებგვერდების სამივე დომეინი რეგისტრირებული უშუალოდ ბექა მჭედლიშვილის და არა მთავრობის კანცელარიის სახელზე. ბექა მჭედლიშვილი პრემიერ მინისტრის აპარატში სოციალური მედიის მენეჯერის პოზიციას იკავებს⁶⁸.

⁶⁷ საქართველოს ადმინისტრაციის პასუხი „საერთაშორისო გამჭვირვალობა საქართველოს“ <https://goo.gl/zjxyd6>, ბოლო წვდომა 2015 წლის 8 ოქტომბერი

⁶⁸ ბექა მჭედლიშვილის Facebook გვერდი <https://www.facebook.com/beqex?fref=ts>, ბოლო წვდომა 2015 წლის 8 ოქტომბერი

ტელევიზიები

რუსთავი 2-ის სადაო მფლობელობა

2015 წლის 5 აგვისტოს ბიზნესმენ ქიბარ ხალვაშისა და მის მფლობელობაში არსებული შპს „პანორამას“ მოთხოვნით, ტელეკომპანია „რუსთავი 2“-ის ქონება სასამართლომ დააყადაღა, დირექტორსა და მეწილეებს კი სრულფასოვანი მართვისთვის მნიშვნელოვანი ფუნქციები შეუზღუდა. არხის მენეჯმენტის განცხადებით, ამან ტელეკომპანიის გამართული ფუნქციონირება საფრთხის ქვეშ დააყენა.

1 ოქტომბერს ქიბარ ხალვაშის ადვოკატების მიმართვის საფუძველზე სასამართლომ დააყადაღა „რუსთავი 2“-ის მფლობელი კომპანიის (51%) ტელეკომპანია „საქართველოს“ წილებიც. ორი დღით ადრე საჯარო რეესტრში ტელეკომპანია „საქართველოს“ წილების გასხვისების შესახებ განცხადება შეიტანეს. ტელეკომპანია „საქართველოს“, რომელსაც ძმები ყარამანიშვილები ფლობენ, დავით კეზერაშვილის ცოლისძმა, დიმიტრი ჩიქოვანი ყიდულობდა, თუმცა, წილებზე ყადაღის დადების გამო გარიგება ვერ შედგა. ნასყიდობის ხელშეკრულების თანახმად, ახალ მფლობელს „რუსთავი 2“-ში 6 მლნ. აშშ დოლარის ოდენობის ინვესტიცია უნდა განეხორციელებინა. არხის ხელმძღვანელობის განცხადებით, ეს ინვესტიცია გამოსავალი იყო იმ პირობებში, როდესაც ტელეკომპანიას ყადაღის გამო შეზღუდული ჰქონდა წვდომა ფინანსურ არხებთან; ამ გადაწყვეტილებით კომპანიას ყველა ფინანსური არხი გადაეკეტა.

„რუსთავი 2“ 1994 წელს ეროსი კიწმარიშვილმა, ჯარჯი აქიმიძემ და დავით დვალმა დააარსეს. აქიმიძემ და დვალმა კომპანიის წილები 2004 წელს გაასხვისეს, ხოლო 2012 წლის საპარლამენტო არჩევნების შემდეგ კი განაცხადეს⁶⁹, რომ კუთვნილი წილების დაბრუნებას სასამართლოს გზით შეეცდებოდნენ.

2004-2012 წლებში „რუსთავი 2“-ის მფლობელი თითქმის 20-ჯერ შეიცვალა⁷⁰. ამ პროცესში, რომელიც ხშირად არაგამჭვირვალე იყო საზოგადოებისთვის, საექვო გარემოებებში, იმდროინდელ სახელისუფლებო გუნდთან დაკავშირებული პირები მონაწილეობდნენ.

2012 წლის საპარლამენტო არჩევნების შემდეგ, ტელეკომპანია მოქმედი სახელისუფლებო გუნდის მიმართ კრიტიკული დამოკიდებულებით გამოირჩევა. ტელეკომპანიის პოზიციონირებისა და წინა ხელისუფლების მიმართ არხის მაღალი ლოიალობის არგუმენტებით, „რუსთავი 2“-ის პოლიტიკის წინააღმდეგ ხელისუფლების მაღალჩინოსნები ხშირად ღიად გამოხატავენ უკმაყოფილებას.

⁶⁹ „რუსთავი 2“-ის ყოფილი მფლობელები იწყებენ სამართლებრივ ბრძოლას ტელეკომპანიის დასაბრუნებლად, მედია.გე <http://goo.gl/Arnnok>, ბოლო წვდომა 2015 წლის 8 ოქტომბერი

⁷⁰ „გამარჯვებული ხალხის ტელევიზია“ – „რუსთავი 2“-ის ისტორია, საერთაშორისო გამჭვირვალობა საქართველო, <http://goo.gl/35Kx FY>, ბოლო წვდომა 2015 წლის 8 ოქტომბერი

სასამართლომ ხალვაშის განცხადება სარჩელის უზრუნველყოფის შესახებ ნაწილობრივ დააკმაყოფილა და განჩინება გამოიტანა. არასამთავრობო ორგანიზაციები გამოეხმაურენ⁷¹ სასამართლოს განჩინებას და განჩინებაში სამართლებრივი ხარვეზების პარალელურად ხაზი გაუსვეს „რუსთავი 2“-ის საქმის პოლიტიკურ კონტექსტს.

„რუსთავი 2“-ის ქონების დაყადაღებას და მის წინააღმდეგ აღძრულ სარჩელს გამოეხმაურა ეუთოს წარმომადგენელი მედიის თავისუფლების საკითხებში დუნია მიატოვიჩი⁷². მისი განცხადებით სასამართლოს მიერ „რუსთავი 2“-ის წინააღმდეგ მიღებულმა მკაცრმა განჩინებამ შესაძლოა საფრთხე შეუქმნას მედია პლურალიზმს საქართველოში.

ტელეკომპანიის გარშემო შექმნილ ვითარებაზე საქართველოში ამერიკის შეერთებული შტატების ელჩის მოვალეობის შემსრულებელმა ნიკოლას ბერლინერმა⁷³ media.ge-სთან ისაუბრა და აღნიშნა, რომ სამწუხაროა, რომ დღეს საქართველოში მედიის თავისუფლების საფრთხის ქვეშ დაყენების ან მედიაპლურალიზმის დარღვევის შთაბეჭდილება იქმნება. „რუსთავი 2-ში“ მიმდინარე პროცესებს გამოეხმაურა, ამერიკის შეერთებული შტატების სახელმწიფო დეპარტამენტის პრესსპიკერი მარკ ტონერი, მან ჟურნალისტებთან შეხვედრისას განაცხადა, რომ ნებისმიერი პროცესი, რომელიც მედია პლურალიზმს ზღუდავს შემაშფოთებელია.⁷⁴

ტელეკომპანია „რუსთავი 2“-ის მენეჯმენტი სისტემატურად ამახვილებდა ყურადღებას ხელისუფლების მაღალი თანამდებობის პირების მხრიდან არხის მისამართით გამოხატულად კრიტიკულ განცხადებებზე, მათ შორის პირდაპირი ეთერში გამოთქმულ მოსაზრებებზე „რუსთავი 2“-ის მისამართით. იყო შემთხვევები, როდესაც მმართველი გუნდის წევრები, უმაღლესი რანგის ჩინოვნიკები⁷⁵ „რუსთავი 2“-ის დღევანდელ მენეჯმენტს ახსენებდნენ, რომ არხის მფლობელობის საკითხები გადასახედა. არხის მფლობელობასთან დაკავშირებით საკუთარ მოსაზრებებს მაღალი რანგის პოლიტიკური ფიგურები საჯარო განცხადებებში⁷⁶ მას შემდეგაც აფიქსირებდნენ, რაც ბიზნესმენმა ქიბარ ხალვაშმა 5 აგვისტოს ტელეკომპანიის წინააღმდეგ სარჩელი შეიტანა და 10 წლის წინ მის მფლობელობაში არსებულ წილებზე განაცხადა პრეტენზია.

⁷¹ არასამთავრობო ორგანიზაციები „რუსთავი 2“-ის ქონების დაყადაღებას ეხმაურებიან, საერთაშორისო გამჭვირვალობა საქართველო, <http://goo.gl/APzEEEx>, ბოლო წვდომა 2015 წლის 8 ოქტომბერი

⁷² OSCE Representative says excessive court measures against television station in Georgia may pose a threat to media pluralism, ეუთო <http://www.osce.org/fom/176521>, ბოლო წვდომა 2015 წლის 8 ოქტომბერი

⁷³ "მედიის თავისუფლების საფრთხის ქვეშ დაყენების შთაბეჭდილება იქმნება" - აშშ-ის ელჩის მოვალეობის შემსრულებელი რუსთავი2-ზე საუბრობს, რუსთავი 2 <http://rustavi2.com/ka/news/24130>, ბოლო წვდომა 2015 წლის 8 ოქტომბერი

⁷⁴ აშშ-ის სახელმწიფო დეპარტამენტის განცხადება რუსთავი 2-ის საქმეზე - Rustavi 2 <http://rustavi2.com/en/news/28247>, ბოლო წვდომა 2015 წლის 12 ოქტომბერი

⁷⁵ რუსთავი 2-თან დაკავშირებით აგულაშვილისა და კალაძის განცხადებები განსხვავებულია, ტაბულა <http://goo.gl/UVKOnP>, ბოლო წვდომა 2015 წლის 8 ოქტომბერი.

⁷⁶ სოზარ სუბარის თქმით ქიბარ ხალვაშს "რუსთავი 2"-ის წილი ზეწოლის შედეგად დაათმობინეს, რუსთავი 2, <http://rustavi2.com/ka/news/23349>, ბოლო წვდომა 2015 წლის 8 ოქტომბერი

ცვლილებები ტაბულაში

2015 წლის 12 ივნისს კომუნიკაციების ეროვნულმა კომისიამ ნება დართო ტელეკომპანია „ტაბულას“ კუთვნილი ორი სიხშირე ტელეკომპანია „რუსთავი 2“-სთვის მიეყიდა. საუბარია „ტაბულას“ კუთვნილ ორ სიხშირეზე, რომლებიც ფარავენ ქუთაისს, ბათუმს, გორს, საჩხერეს და სენაკს. ეს სიხშირეები „ტაბულას“ მიქირავებული ჰქონდა ტელეკომპანია „რუსთავი 2“-ის „კომედი არხისთვის“. თავიდან ორივე ლიცენზია საერთო მაუწყებლობის ლიცენზია იყო, 2014 წლის ოქტომბერში ამ ორი ლიცენზიის სტატუსი შეიცვალა და სპეციალიზებული ტელემაუწყებლობის ლიცენზიად გადაკეთდა.

მაუწყებლობის ლიცენზიები 17 ივნისს ისედაც უქმდებოდა და ყველა არსებული მაუწყებელი ავტორიზებული პირი გახდებოდა. ამის გამო კომისიისთვის ბუნდოვანი იყო⁷⁷ „ტაბულას“ განაცხადის მოტივი. თუმცა ტელეკომპანიის დირექტორი, თამარ ჩერგოლეიშვილი აცხადებდა, რომ „რუსთავი 2“ ამ სიხშირეებით იყო დაინტერესებული, „ტაბულას“ კი ფინანსური რესურსების მობილიზება სურდა. ამიტომაც გადაწყვიტეს, რომ ორივე სიხშირე, თავისი ინფრაქტრუქტურით, „რუსთავი 2“-ისთვის მიეყიდა.

ტელეკომპანია „ტაბულამ“, ფინანსური პრობლემების გამო, არხის რეორგანიზაციაც მოახდინა. არხი დატოვა თანამშრომლების ნაწილმა, საინფორმაციო გამოშვებამ შეიცვალა ფორმატი და ძირითადი აქცენტი გაკეთდა ვებგვერდის www.tabula.ge -ის ფუნქციონირებაზე. 2015 წლის პირველი ნახევრის განმავლობაში კომპანიამ 39,242 ლარის სარეკლამო შემოსავლების დეკლარირება მოახდინა, 2014 წლის იმავე პერიოდში კი ეს რიცხვი 250,000 ლარს აღემატებოდა. თუმცა, სარეკლამო შემოსავლების გარდა, ტელეკომპანიამ შემოწირულობების და სხვა შემოსავლების სახით 2015 წლის იანვარი-ივნისის პერიოდში დამატებით 530,437 ლარი მიიღო.

2015 წლის 25 მარტს არხი „ტაბულა“ გაქრა „მაგთისატის“⁷⁸ საკაბელო მაუწყებლობის პაკეტიდანაც. როგორც ტელეკომპანიის დირექტორი, თამარ ჩერგოლეიშვილი აცხადებდა, ხელშეკრულების მოქმედების გაგრძელებისთვის მაგთიკომის მიერ შემოთავაზებული, შეცვლილი პირობები ტელეკომპანიას ფინანსურად მძიმე მდგომარეობაში აყენებდა და, შესაბამისად, მიუღებელი იყო.

⁷⁷ საქართველოს კომუნიკაციების ეროვნული კომისია (ა)იპ სამოქალაქო განათლების ფონდის (ტელეკომპანია „ტაბულა“) ხელმძღვანელის თამარ ჩერგოლეიშვილის განცხადებას ეხმიანება, საქართველოს კომუნიკაციების ეროვნული კომისია, <http://goo.gl/hSQsof>, ბოლო წვდომა 2015 წლის 8 ოქტომბერი

⁷⁸ მაგთისატის აბონენტებს აღარ აქვთ ტაბულას სიგნალის მიღების შესაძლებლობა, ტაბულა, <http://goo.gl/vpe4aW>, ბოლო წვდომა 2015 წლის 8 ოქტომბერი

საკადრო ცვლილებები მაუწყებლებზე

მიუხედავად იმისა, რომ 2014 წლის განმავლობაში წამყვან მაუწყებლებზე მფლობელობის მნიშვნელოვანი ცვლილება არ მომხდარა, ზოგიერთ არხზე მფლობელები აქტიურად მონაწილეობდნენ არხის მმართველობაში, რაც არაერთი საკადრო ცვლილების მიზეზი გახდა და არხების სარედაქციო პოლიტიკაზეც აისახა.

საზოგადოებრივი მაუწყებელი

2014 წლის სექტემბერში საზოგადოებრივი მაუწყებლის პირველი არხის საინფორმაციო სამსახურის უფროსი სოფო მოსიძე მთავრობის ადმინისტრაციის პრესსამსახურად დაინიშნა⁷⁹. არხზე საინფორმაციო სამსახურის უფროსის პოსტი ერთი წლის განმავლობაში ვაკანტური იყო, 2015 წლის ოქტომბრიდან კი ამ პოზიციაზე პოლიტოლოგი გიორგი გვიმრაძე დაინიშნა.

საზოგადოებრივი მაუწყებლის სამეურვეო საბჭო დღემდე არ არის ბოლომდე დაკომპლექტებული და ცხრის ნაცვლად შვიდი წევრით ფუნქციონირებს. პარლამენტმა ვერ შეძლო უმცირესობის კვოტით გათვალისწინებული წევრების არჩევა.

2015 წლის სექტემბერში გავრცელდა ინფორმაცია, რომ „პირველ არხზე“ ეკა მიშველადის თოქშოუ „პირველი სტუდია“ იხურება⁸⁰, რაც ეკა მიშველადისა და პარტია „თავისუფალი დემოკრატების“ ერთ-ერთი ლიდერის, ალექსი პეტრიაშვილის დაქროწინებას უკავშირდება. საზოგადოებრივი მაუწყებლის დირექტორის მრცველმა, ბასა ჯანიკაშვილმა განაცხადა, რომ ამ ქორწინების გამო ეკა მიშველადეს ინტერესთა კონფლიქტი ექმნება, თუმცა არხს ოფიციალური განცხადება კონკრეტულად ამ საკითხზე ჯერ არ გაუკეთებია.

8 სექტემბერს, ეკა მიშველადემ ტელეკომპანია „რუსთავი 2“-ის ეთერში მასზე და მის მეუღლეზე განხორციელებული თვალთვალის შესახებ განაცხადა⁸¹. ამ განცხადებამ კიდევ ერთხელ წარმოაჩინა საქართველოში პირადი ცხოვრების ხელშეუხებლობისა და უკანონო თვალთვალის კუთხით არსებული საგანგაშო მდგომარეობა. მიუხედავად სამოქალაქო საზოგადოების მოთხოვნისა⁸², ამ ფაქტზე სამართალდამცავი უწყებების წარმომადგენლებს რეაგირება არ მოუხდენიათ.

⁷⁹ სოფო მოსიძე მთავრობის ადმინისტრაციის პრესსამსახურის უფროსად ინიშნება, ტაბულა, <http://goo.gl/2iZe9a>, ბოლო წვდომა 2015 წლის 8 ოქტომბერი

⁸⁰ GPB ეკა მიშველადის გადაცემის დახურვის მიზეზად პოლიტიკოსის ცოლობას ასახელებს, ტაბულა, <http://goo.gl/D9kjaV>, ბოლო წვდომა 2015 წლის 8 ოქტომბერი

⁸¹ ეკა მიშველადე ადასტურებს, რომ მას და ალექსი პეტრიაშვილს სპეცსამსახურები უთვალთვალებდნენ, რუსთავი 2, <http://rustavi2.com/ka/news/25744>, ბოლო წვდომა 2015 წლის 8 ოქტომბერი

⁸² კამპანია „ეს შენ გეხება – ისევ გვისმენენ“ სამართალდამცავ ორგანოებს ეკა მიშველადის განცხადების საფუძველზე გამოძიების დაწყებისკენ მოუწოდებს, საერთაშორისო გამჭვირვალობა საქართველო, <http://goo.gl/yEIQdA>, ბოლო წვდომა 2015 წლის 8 ოქტომბერი

მაესტრო

2014 წლის დეკემბერში ტელეკომპანია „მაესტრო“ 20-მდე ჟურნალისისტმა დატოვა⁸³, რასაც არხის საინფორმაციო სამსახურის ხელმძღვანელის, ნინო ჟიჟილაშვილის გათავისუფლება უძღოდა წინ⁸⁴. არხიდან წასულმა თანამშრომლებმა განაცხადეს, რომ მათი გადაწყვეტილების მიზეზი სარედაქციო დამოუკიდებლობისადმი გაჩენილი საფრთხეები იყო - არხზე მთავრობის ადმინისტრაციის კონსულტანტის⁸⁵ კოკა ყანდიაშვილის მისვლა და ტელეკომპანიის მიერ „პროქართული“ იდეოლოგიის არჩევა. კოკა ყანდიაშვილის არხის მართვაში ჩარევის შესახებ ინფორმაცია „მაესტროს“ გენერალურმა დირექტორმა ბაია გადაბაძემ უარყო⁸⁶. რამდენიმე თვით ადრე არხი დატოვეს⁸⁷ „ცხრიანის“ წამყვანმა ვახო სანაიამ და „სუბიექტური აზრის“ წამყვანებმა თეონა გოგელიამ და დიანა ტრაპაიძემ.

„მაესტროდან“ წასული ჟურნალისტები „მაესტროს“ ერთ-ერთი მფლობელის მაკა ასათიანის მეუღლის კოტე გოგელიას მხრიდან, არხის სარედაქციო პოლიტიკაში ჩარევაზე საუბრობდნენ⁸⁸. 2011 წელს კოტე გოგელია „ქართული პარტიის“ ერთ-ერთი ლიდერი იყო, თუმცა პარტიამ მასთან ურთიერთობა „პოლიტიკური ეთიკის პრინციპებიდან გამომდინარე“ გაწყვიტა⁸⁹. გოგელია ბიზნეს საქმიანობას რუსეთში ეწევა⁹⁰.

მაკა ასათიანი „მაესტროს“ 25%-ის მფლობელია, მისი მეურლე კოტე გოგელია კი არხის მფლობელთა შორის არ არის. 2014 წლის დეკემბერშივე, არხის დამფუძნებელმა მამუკა ღლონტმა საკუთარი წილების დათმობის შესახებ განაცხადა⁹¹, თუმცა, საჯარო რეესტრის უკანასკნელი ამონაწერის მიხედვით მამუკა ღლონტი შპს „სტუდია მაესტროს“ 15%-იანი წილის მფლობელად რჩება. არხის დანარჩენი მფლობელები არიან გიორგი გაჩეჩილაძე (25%), ეკატერინე აკობია (5%), ლევან ჩიკვაძე (15%) და გიორგი ებრალიძე (15%). ამათგან, გიორგი

⁸³ ტელეკომპანია „მაესტრო“ ჟურნალისტების ნაწილმა პროტესტით დატოვა, civil.ge, <http://goo.gl/sxLd38>, ბოლო წვდომა 2015 წლის 8 ოქტომბერი

⁸⁴ ჟიჟილაშვილი: მაესტროს ხელმძღვანელობამ მითხრა, რომ არხი უნდა გახდეს პროქართული იდეოლოგიის, ნეტგაზეთი, <http://goo.gl/DAN27L>, ბოლო წვდომა 2015 წლის 8 ოქტომბერი

⁸⁵ კოკა ყანდიაშვილი თანამდებობიდან დაითხოვეს და მთავრობის კონსულტანტად დანიშნეს, ნეტგაზეთი, <http://goo.gl/DpVfIZ>, ბოლო წვდომა 2015 წლის 8 ოქტომბერი

⁸⁶ ტელეკომპანია „მაესტრო“ ჟურნალისტების ნაწილმა პროტესტით დატოვა, civil.ge <http://goo.gl/z1yYQT>, ბოლო წვდომა 2015 წლის 8 ოქტომბერი

⁸⁷ მამუკა ღლონტი ტელეკომპანია „მაესტროს“ მესაკუთრეთა რიგებს ტოვებს, ნეტგაზეთი <http://goo.gl/VxUFMT>, ბოლო წვდომა 2015 წლის 8 ოქტომბერი

⁸⁸ მაესტროს მფლობელთან შეხვედრის შემდეგ, დიანა ტრაპაიძემ ტელეკომპანია დატოვა, ტაბულა, <http://goo.gl/PozMxE>, ბოლო წვდომა 2015 წლის 8 ოქტომბერი

⁸⁹ ქართული პარტია კოტე გოგელიასთან კავშირს წყვეტს, ნეტგაზეთი, <http://goo.gl/YIHqUS>, ბოლო წვდომა 2015 წლის 8 ოქტომბერი

⁹⁰ Journalist detained at Russian singer Grigory Leps's Tbilisi concert, Democracy and freedom watch, <http://goo.gl/oqu6VU>, ბოლო წვდომა 2015 წლის 8 ოქტომბერი

⁹¹ მამუკა ღლონტი ტელეკომპანია „მაესტროს“ მესაკუთრეთა რიგებს ტოვებს, ნეტგაზეთი, <http://goo.gl/SdkZ5N>, ბოლო წვდომა 2015 წლის 8 ოქტომბერი

გაჩეჩილაძემ განაცხადა, რომ „მაესტროში“ მიმდინარე პროცესებში იგი რამდენიმე წელი არ ჩარეულა⁹².

2015 წლის სექტემბერში შპს „სტუდია მაესტრომ“ სასამართლოს გადახდისუუნარობისა და გაკოტრების მოთხოვნით მიმართა⁹³. არხის ერთ-ერთმა მფლობელმა გიორგი გაჩეჩილაძემ პარტნიორები არხის მიზანმიმართულ გაკოტრებაში დაადანაშაულა⁹⁴. მაკა ასათიანმა საპასუხო განცხადება გაავრცელა და ეს ინფორმაცია უარყო.

იმედი

2014 წლის ივნისში, ადგილობრივი თვითმმართველობის არჩევნებიდან რამდენიმე დღის შემდეგ დამფუძნებლების გადაწყვეტილებით, „იმედის“ საინფორმაციო სამსახურის უფროსმა ბაია ცანავამ თანამდებობა დატოვა⁹⁵. არხზე რეორგანიზაცია გამოცხადდა⁹⁶ და რეორგანიზაციის პროცესის ხელმძღვანელად ჟურნალისტი ნათია აბრამია დაინიშნა⁹⁷. 2014 წლის სექტემბრიდან ნათია აბრამიამ ტელეკომპანია „იმედი“ დატოვა. რამდენიმე დღეში, 2014 წლის სექტემბერში არხის საინფორმაციო სამსახურის უფროსად დაინიშნა მაია თაბაგარი.

2015 წლის 29 აგვისტოს ტელეკომპანია „იმედმა“ საზოგადოებრივ-პოლიტიკური გადაცემების დროებით შეჩერების შესახებ განცხადება გაავრცელა⁹⁸. გადაცემები „რეაქცია“ და „იმედის კვირა“ ახალი სატელევიზო სეზონიდან არხიდან მოიხსნა. ტელეარხის ოფიციალური განცხადების მიხედვით, არხზე საზოგადოებრივ-პოლიტიკური გადაცემების ფორმატის ცვლილება იგეგმებოდა, ახალ პროდუქტს კი მაყურებელს 2016 წლიდან შესთავაზებენ. დამატებითი განმარტებები არხის ხელმძღვანელობას საჯაროდ არ გაუკეთებია.

„რეაქციისა“ და „იმედის კვირის“ წამყვანმა ინგა გრიგოლიამ გადაცემების დახურვა პოლიტიკურ გადაწყვეტილებად შეაფასა⁹⁹. მისი თქმით, ორივე გადაცემას მაღალი რეიტინგი ჰქონდა და მათი დახურვის რაიმე კონკრეტული მიზეზი არ არსებობდა. აღსანიშნავია, რომ

⁹² "პროქართული ნიშნავს პრორუსულს" - ჟურნალისტები "მაესტროდან" წასვლის მიზეზებზე საუბრობენ, ნეტგაზეთი, <http://goo.gl/h9L3uA>, 2015 წლის 8 ოქტომბერი

⁹³ მაკა ასათიანი განცხადებას ავრცელებს, ინტერპრესნიუსი <http://goo.gl/03xbZY>, ბოლო წვდომა 2015 წლის 8 ოქტომბერი

⁹⁴ „სტუდია მაესტროს“ 25 -%იანი წილის მფლობელი გიორგი გაჩეჩილაძე პარტნიორებს კომპანიის მიზანმიმართულ გაკოტრებაში ადანაშაულებს, პირველი არხი, <http://goo.gl/v2iZrU>, ბოლო წვდომა 2015 წლის 8 ოქტომბერი

⁹⁵ საკადრო ცვლილება "იმედში" - ბაია ცანავამ საინფორმაციო სამსახურის უფროსის პოსტი დატოვა, ნეტგაზეთი <http://goo.gl/A8RssH>, ბოლო წვდომა 2015 წლის 8 ოქტომბერი

⁹⁶ „იმედში“ რეფორმირება იწყება, ინტერპრესნიუსი, <http://goo.gl/qIFoli>, ბოლო წვდომა 2015 წლის 8 ოქტომბერი

⁹⁷ „იმედზე“ რეორგანიზაციის პროცესს ნათია აბრამია უხელმძღვანელებს, media.ge <http://goo.gl/bZgZUO>, ბოლო წვდომა 2015 წლის 8 ოქტომბერი

⁹⁸ ახალ სეზონზე ტელეკომპანია "იმედი" საზოგადოებრივ-პოლიტიკური თოქშოუების სეგმენტს დროებით აჩერებს, იმედი <http://goo.gl/hq1EP1>, ბოლო წვდომა 2015 წლის 8 ოქტომბერი

⁹⁹ ინგა გრიგოლია - ეს არის პოლიტიკური გადაწყვეტილება, არ ვყოფილიყავი ეკრანზე არჩევნების წინ, ინტერპრესნიუსი, <http://goo.gl/YXhqR6>, ბოლო წვდომა 2015 წლის 8 ოქტომბერი

გრიგოლიას გადაცემების დახურვის შესახებ „იმედის“ განცხადების გავრცელებამდე ინფორმაცია არ ჰქონდა¹⁰⁰.

გადაცემების დახურვამდე რამდენიმე თვით ადრე „რეაქციის“ და „იმედის კვირის“ წამყვანმა ინგა გრიგოლიამ და მისმა კოლეგამ, „იმედის კვირის“ თანაწამყვანმა ეკა ხოფერიამ მმართველი პოლიტიკური გუნდი გადაცემის სარედაქციო გუნდზე პოლიტიკური ზეწოლის მცდელობაში დაადანაშაულეს. 2015 წლის 20 მარტს ჟურნალისტმა ინგა გრიგოლიამ განაცხადა, რომ „ქართული ოცნების“ საპარლამენტო უმრავლესობამ კატეგორიულად მოსთხოვა გადაცემის ავტორებს, არ გაეშუქებინათ „რეაქციაში“ 21 მარტს ნაციონალური მოძრაობის მიერ დაგეგმილი საპროტესტო აქციის თემა. იმავე კვირას, „იმედის კვირაში“ წამყვანმა ეკა ხოფერიამ გამოთქვა აზრი, რომ „ხელისუფლებისათვის მიუღებელია ობიექტური „იმედი“. მაშინ ჟურნალისტების ამ პოზიციას კატეგორიულად გაემიჯნა არხის მენეჯმენტი და „იმედზე“ ზეღისუფლების მხრიდან რაიმე ტიპის ზეწოლა ოფიციალურად უარყო¹⁰¹.

საკაბელო/სატელიტ მაუწყებლები და ინტერნეტ ტელევიზიები

ტელეკომპანია „პირველი“ (ყოფილი TVS)

TVS-ს მაუწყებლობის სფეროში ავტორიზაცია 2015 წლის იანვარში მიენიჭა. არხის მფლობელია ქეთევან ჯაფარიძე, დირექტორი კი პაატა კაკაურიძე. TVS სპორტული არხი იყო, თუმცა 2015 წლის აგვისტოში არხმა სახელი შეიცვალა და ტელეკომპანია „პირველი“¹⁰² დაირქვა. ტელეკომპანია „პირველი“ მაუწყებლობის ტრანზიტის განმახორციელებელი მსხვილი კომპანიების უმეტესობის პაკეტებშია ჩართული (სილქნეტი, კავკასუს ონლაინი, სუპერ ტვ, გლობალ ტვ) და მინიმუმ 168,000 აბონენტისთვისაა ხელმისაწვდომი.

სექტემბრიდან არხზე სპორტულ გადაცემებთან ერთად სოციალურ-პოლიტიკური გადაცემებიც გავა. მათ შორისაა გადაცემა „რვიანი“, რომლის წამყვანებიც ნინო ჟიჟილაშვილი და ვახო სანაია იქნებიან. ჟიჟილაშვილს და სანაიას გადაცემა სახელწოდებით „ცხრიანი“ 2014 წლის ბოლომდე ტელეკომპანია „მანესტროზე“ მიყავდათ¹⁰³.

media.ge-ს მიერ გავრცელებული ინფორმაციით ქეთევან ჯაფარიძე სიგარეტების მწარმოებელი ქართველი ბიზნესმენის ავთანდილ წერეთლის შვილის, ვახატანგ წერეთლის მეუღლეა¹⁰⁴. ვახატანგ წერეთელი და ავთანდილ წერეთელი ამომრჩეველთა სიის მიხედვით, ერთ

¹⁰⁰ ინგა გრიგოლია არ ადასტურებს, რომ „იმედი“ მის „რეაქციას“ ხურავს, ნეტგაზეთი, <http://goo.gl/iWq9Q7>, ბოლო წვდომა 2015 წლის 8 ოქტომბერი

¹⁰¹ ტელეკომპანია „იმედი“ ინგა გრიგოლიასთან და ეკა ხოფერიასთან დაკავშირებით განცხადებას ავრცელებს, ინტერპრესნიუსი, <http://goo.gl/PuO5o4>, ბოლო წვდომა 2015 წლის 8 ოქტომბერი.

¹⁰² ტელეკომპანია „პირველი“ ფეისბუქ გვერდი <https://www.facebook.com/TVSports.ge>, ბოლო წვდომა 2015 წლის 8 ოქტომბერი

¹⁰³ ტელეკომპანია „მანესტროს“, ნინო ჟიჟილაშვილის გარდა, სხვა თანამშრომლებიც ტოვებენ, ინტერპრესნიუსი, <http://goo.gl/NBQ5qS>, ბოლო წვდომა 2015 წლის 8 ოქტომბერი

¹⁰⁴ სექტემბრიდან ახალი სპორტული არხი დაიწყებს მაუწყებლობას, media.ge, <http://goo.gl/9Q44HX>, ბოლო წვდომა 2015 წლის 8 ოქტომბერი

მისამართზე არიან რეგისტრირებული. ქეთევან ჯაფარიძე და ვახტანგ წერეთელი კი არაკომერციული იურიდიული პირის „ფონდი სიკეთის სიყვარულით“ დამფუძნებლები არიან.

მედიაში გავრცელებული ცნობების თანახმად ბიზნესმენი მინდია ქაშიაბაძე ავთანდილ წერეთელს წამებაში ადანაშაულებს¹⁰⁵. მისი განცხადებით, წერეთელი მისგან კომპიუტერული კომპანია „მაქსტოპის“¹⁰⁶ დათმობას ითხოვდა.

მედიაკავშირი „ობიექტივი“

„ობიექტივის“ სამაუწყებლო ლიცენზიას არაკომერციული პირი „მედიაკავშირი ობიექტივი“ ფლობს, რომელსაც ირაკლი ცილიკიშვილი, ზურაბ გოგიშვილი, სოსო ზაალიშვილი და თეა ნადირაძე წარმოადგენენ.¹⁰⁷ 2014 წლის ივნისამდე აიპ „მედიაკავშირი ობიექტივის“ გამგეობის წევრი იყო პატრიოტთა ალიანსის ლიდერი ირმა ინაშვილი. ინაშვილი მედია-კავშირი ობიექტივის გამოგეობის წევრებთან და ბონდო მძინარაშვილთან ერთად ფლობს შპს „მედია-სახლ ობიექტივს“, რომელიც 2013 წლის ივლისამდე ფლობდა¹⁰⁸. „ობიექტივის“ სამაუწყებლო ლიცენზიებს.

შუალედურ არჩევნებში ირმა ინაშვილი საგარეჯოს მაჟორიტარ კანდიდატად იყრის კენჭს¹⁰⁹. პატრიოტთა ალიანსმა 2014 წლის განმავლობაში 240,000 ლარის ფულადი და არაფულადი შემოწირულობა მიიღო,¹¹⁰ პარტიის მთლიანმა შემოსავლებმა კი თითქმის მილიონი ლარი შეადგინა.¹¹¹

„ობიექტივი“ ანდიდასავლური, ქსენოფობიური და ჰომოფობიური მაუწყებლობით გამოირჩევა. არხი ხელმისაწვდომია ყველა მსხვილი მაუწყებლობის ტრანზიტის განმახორციელებელი კომპანიის სტანდარტულ პაკეტებში. ამასთან, „ობიექტივი“ მაუწყებლობს ბათუმის „ტელეარხი 25“-ის ეთერიტაც.¹¹² თბილისში, ტალღაზე FM 105.1 მაუწყებლობს რადიო „ობიექტივიც.“

¹⁰⁵ მინდია ქაშიაბაძემ "მაქსტოპი" ზეწოლის შედეგად დათმო, ნეტგაზეთი, <http://goo.gl/dAQO8D>, ბოლო წვდომა 2015 წლის 8 ოქტომბერი

¹⁰⁶ საქართველოში ქართული კომპიუტერების წარმოება დაიწყო, რადიო თავისუფლება, <http://goo.gl/7CUU8w>, ბოლო წვდომა 2015 წლის 8 ოქტომბერი.

¹⁰⁷ მედიაკავშირი „ობიექტივის“ შესაბამისობის დეკლარაცია, <http://goo.gl/Lxdmw0>, ბოლო წვდომა 2015 წლის 8 ოქტომბერი

¹⁰⁸ კერძო მაუწყებლობის №B62 და №B114 ლიცენზიებს გადაცემაზე თანხმობის მიცემის შესახებ, საქართველოს კომუნიკაციების ეროვნული კომისია, <http://goo.gl/JBurhc>, ბოლო წვდომა 2015 წლის 8 ოქტომბერი

¹⁰⁹ ირმა ინაშვილი საგარეჯოს მაჟორიტარი დეპუტატობის კანდიდატად დასახელდა, პირველი არხი <http://1tv.ge/ge/news/view/106741.html> 2015 წლის 8 ოქტომბერი

¹¹⁰ სახელმწიფო აუდიტის სამსახური, <http://goo.gl/DzHGAe>, ბოლო წვდომა 2015 წლის 8 ოქტომბერი

¹¹¹ სახელმწიფო აუდიტის სამსახური, <http://goo.gl/9BPcqW>, ბოლო წვდომა 2015 წლის 8 ოქტომბერი

¹¹² მედიაკავშირი ობიექტივი, <http://goo.gl/LMqtWK>, ბოლო წვდომა 2015 წლის 8 ოქტომბერი

მედიის განვითარების ფონდის კვლევის მიხედვით მედია-კავშირ „ობიექტის“ 2013-2014 წლებში სხვადასხვა საბიუჯეტო ორგანიზაციებთან 50,000 ლარზე მეტის ღირებულების ხელშეკრულებები აქვს გაფორმებული, ასევე განხორციელებული აქვს არა ერთი პროექტი ადმინისტრაციულ ორგანოებთან თანამშრომლობით.

შპს ქართული არხი (ყოფილი “TV კვირიკე”)

შპს „ტელეკომპანია ქართული არხის“ მფლობელი ხატმწერი მადონა ლანჩავაა, დირექტორი კი თეიმურაზ ალიხანაშვილი. კომპანიამ მაუწყებლობაზე ავტორიზაცია 2012 წლის ნოემბერში მიიღო. მადონა ლანჩავას საკუთრებაა ასევე თბილისში, ალ. ყაზბეგის გამზირზე მდებარე კერძო სკოლა „ახალი ქართული სკოლა“¹¹³ (ყოფილი სკოლა ლიცეუმი კვირიკე) და კერძო საბავშვო ბაღი „ციცინათელა“.¹¹⁴ (შპს „ციცინათელას“ 50%-ს გიორგი გირგვლიანი ფლობს.)

2013 წლის ნოემბრამდე შპს „ქართული არხი“ TV კვირიკეს სახელით იყო რეგისტრირებული, კომპანიის მფლობელი კი წმინდა კვირიკესა და ივლიტეს ტაძრის დეკანოზი გიორგი ყიფშიძე იყო¹¹⁵. მადონა ლანჩავა და დეკანოზი გიორგი ყიფშიძე ასევე მოძრაობა „კვირიკეს“ გამგეობის წევრები არიან. მოძრაობა „კვირიკეს“ ვებგვერდის¹¹⁶ მიხედვით, მისი მიზანი „მომავალი თაობის უკეთ გაცნობა და მათი პრობლემების საზოგადოებამდე მიტანაა.“ მოძრაობაში გაწევრიანება საჯარო და კერძო სკოლის მოსწავლეებს შეუძლიათ.

ტელეკომპანიის ვებგვერდზე განთავსებული ტელეპროგრამის მიხედვით არხის გადაცემებს შორისაა: „პატრიარქის გამონათქვამები,” „მსგეფსი,” „პიროვნული ზრდა,” „სტუმრად მამა გურამთან” და სხვ. გადაცემა „მსგეფსის” წამყვანია ნანა დევდარიანი, რომელიც ანტიდასავლურად განწყობილ ორგანიზაციებს უკავშირდება.

არხი ხელმისაწვდომია მაუწყებლობის ოთხი უმსხვილესი ტრანზიტორის - „სილქნეტის,” „კავკასუს ონლაინის,” „მაგთისატის,” „სუპერ ტვ-ს” და „გლობალ ტვ-ს” სტანდარტულ პაკეტებში, ანუ მინიმუმ 300,000-ზე მეტი აბონენტისთვის.

შპს „ქართული არხის“ დირექტორი თეიმურაზ ალიხანაშვილი ფლობს 5%-ს ტელეშოპინგის არხ შპს „მოლი ტვ“-ში, რომელიც ასევე საკაბელო მაუწყებელია. კომპანიის დანარჩენი მეწილეები გიორგი გუგუშვილი (35%) და რატი დოლიძე (60%) არიან, დირექტორი კი ზურაბ იოზაშვილია.

¹¹³ ახალი ქართული სკოლა, <http://axaliqartuliskola.com/index.php> 2015 წლის 8 ოქტომბერი

¹¹⁴ ბაღი ციციანათელა <http://kerdzobagicicinatela.com/> 2015 წლის 8 ოქტომბერი

¹¹⁵ დეკანოზმა გიორგი ყიფშიძემ ახალი ტელეკომპანია გახსნა, [media.ge](http://www.media.ge/ge/portal/news/52124/) <http://www.media.ge/ge/portal/news/52124/>, ბოლო წვდომა 2015 წლის 8 ოქტომბერი

¹¹⁶ საზოგადოებრივი მოძრაობა კვირიკე, კვირიკე.გე http://kvirike.ge/v2/?page_id=10842, ბოლო წვდომა 2015 წლის 8 ოქტომბერი

შპს ქართული ტვ

შპს „ქართული ტვ“-ს მფლობელი სააქციო საზოგადოება „ქართული“, დირექტორი კი - ოთარ შამათავა. სააქციო საზოგადოება „ქართული“ 2014 წლის დეკემბერში დაარსდა. მისი აქციონერები არიან არაკომერციული იურიდიული პირი „ქართული ერთობის დარბაზი“(95%) და რეჟისორი რეზო ჩხეიძე (5%), რომელიც 2015 წლის მაისში გარდაიცვალა. საჯარო რეესტრში ატვირთული დოკუმენტების მიხედვით, საზოგადოების კაპიტალი 15 მილიონი ლარია.¹¹⁷

„ქართული ერთობის დარბაზი“¹¹⁸ 2014 წლის დეკემბერში დაარსდა და მისი გამგეობის წევრები რამაზ ყურაშვილი, რეზო ჩხეიძე, ანზორ ერქომაიშვილი, არნოლდ გეგჰკორი, ომარ მხეიძე და გიორგი თოიძე არიან. „ქართული ერთობის დარბაზი“ – „ქედი“ - იქნება ის მწვერვალთგრეხილი, რომლის კალთებზე დაივანებს ქართული ერთობა, ქართული აზროვნება, ქართული სულიერება! - ნათქვამია ორგანიზაციის მოქმედების მანიფესტში.

„ქართული ტვ“-ს ვებგვერდის მიხედვით, არხის პროგრამა ძირითადად გასართობი და შემეცნებითი შოუებისგან შედგება.¹¹⁹ მაუწყებლობის ტრანზიტის განმახორციელებელი კომპანიების ვებგვერდების მიხედვით, „ქართული ტვ“ მხოლოდ „სილქნეტის“ სტანდარტულ პაკეტშია ხელმისაწვდომი, ანუ დაახლოებით 98,500 მაყურებლისთვის.

შპს ხარისხის არხი (“დრო TV”)

შპს ხარისხის არხის მფლობელები ელენე მელქაძე (15%), გიორგი ასათიანი (26%), ქართლოს ასათიანი (14%), ედიშერ გიორგობიანი (4%), მარინა მეფარიშვილი (14%), ლაზარე ზაქარიაძე (2%) და მალხაზ გულაშვილი (25%) არიან.

პროექტ damoukidebloba.com-ის მიერ გამოქვეყნებული კვლევის თანახმად ტელეკომპანია დრო ევრაზიის ინსტიტუტთან დაკავშირებული ერთ-ერთი ორგანიზაცია.¹²⁰ ევრაზიის ინსტიტუტის ანგარიშის მიხედვით, ორგანიზაციის მთავარი პრიორიტეტი რუსულ-ქართული ურთიერთობების ანალიზი და მათი გაუმჯობესების პრაქტიკული ხელშეწყობაა.¹²¹ ამავე ინსტიტუტის პარტნიორია არა ერთი ინტერნეტ გამოცემა: „საქართველო და მსოფლიო“ (geworld.ge), „საქინფორმი“ და საინფორმაციო სააგენტო „ივერიონი.“

¹¹⁷ საჯარო რეესტრის ეროვნული სააგენტო, <https://goo.gl/eZTPqG>, ბოლო წვდომა 2015 წლის 8 ოქტომბერი

¹¹⁸ ქართული ერთობის დარბაზი - www.youtube.com/watch?v=t5tXZRcn0yY#t=27, ბოლო წვდომა 2015 წლის 8 ოქტომბერი

¹¹⁹ ქართული ტვ-ს ვებგვერდი, <http://www.qtv.com.ge/about.php>, ბოლო წვდომა 2015 წლის 8 ოქტომბერი

¹²⁰ რუსული გავლენა ქართულ არასამთავრობო ორგანიზაციებსა და მედიაზე, damoukidebloba.com, 2015, <http://goo.gl/5NUxpe>, ბოლო წვდომა 2015 წლის 8 ოქტომბერი

¹²¹ 5 წელი ევრაზიის ინსტიტუტი - შუალედური შედეგები, ევრაზიის ინსტიტუტი, 2014, <http://goo.gl/NFtXah>, ბოლო წვდომა 2015 წლის 8 ოქტომბერი

კომპანია თავიდან ხარისხის არხის სახელით მაუწყებლობდა, 2014 წელს მეწილეებს მალხაზ გულაშვილი შეუერთდა, რის შემდეგაც არხმა სახელი შეიცვალა. მალხაზ გულაშვილი არა ერთ სხვა კომპანიას და ორგანიზაციას უკავშირდება. ის არის სახალხო მართლმადიდებლური მოძრაობის ერთ-ერთი ხელმძღვანელი, ასევე შპს „მედია ჰოლდინგი ჯორჯიან თაიმზის“ 100%-იანი წილის მფლობელი, რომელიც გამოსცემს ინგლისურენოვან გაზეთს The Georgian Times და ამუშავებს ვებგვერდს geotimes.ge. კომპანია¹²² ასევე სხვადასხვა სახის მარკეტინგულ საქმიანობას ეწევა. „მედია ჰოლდინგი ჯორჯიან თაიმზის“ დირექტორია, შპს ხარისხის არხის დირექტორი კახა მასხარაშვილი.

„მედია ჰოლდინგი ჯორჯიან თაიმზი“, თავის მხრივ, მაუწყებლობაზე ავტორიზებული პირია. მალხაზ გულაშვილის მეუღლე, ნინო გაგუა, რომელიც „ჯორჯიან თაიმზის“ რედაქტორია, ფლობს შპს „ლიდერს კომპანის“, რომელიც ასევე მაუწყებლობაზე ავტორიზებული პირია.

მარინა მეფარიშვილი შპს „არტ რადიოს“ მფლობელი და დირექტორია. „არტ რადიოს“ ყოფილი დირექტორი ირაკლი დათეშიძე პარალელურად რადიო „აფხაზეთის ხმის“ (მედიაცენტრი ღია აფხაზეთისთვის) დირექტორი იყო¹²³. ტელეკომპანია დროში წილების 26%-ის მფლობელი გიორგი ასათიანიც კი „აფხაზეთის ხმის“ ტექნიკური დირექტორია. რამდენიმე კომპანიის მეწილე და დირექტორია, ტელეკომპანია დროს კიდევ ერთი მფლობელი ქართლოს ასათიანი, მათ შორის, იგი იკავებს კომპიუტერული მაღაზია „ორიონ ტექნოლოჯის“ დირექტორის თანამდებობას.

„დრო TV“-ს ვებგვერდის მიხედვით ტელეკომპანია ამზადებს გადაცემებს - „ენა, მამული, სარწმუნოება“ და „რელიგია და მეცნიერება.“ არხი ხელმისაწვდომია „სილქნეტის“, „კავკასუს ონლაინის“ და „მაგთისატის“ სტანდარტულ პაკეტებში, ანუ მინიმუმ 250,000 მომხმარებლისთვის.

შპს საერთაშორისო საინფორმაციო სააგენტო ევრაზია („ახალი საქართველო“)

ტელეკომპანია „ახალი საქართველოს“ დირექტორი და მფლობელი ჰამლეტ გეგიაა. ჰამლეტ გეგია რამდენიმე არაკომერციული იურიდიული პირის გამგეობის წევრია: „პრეს-ომბუდსმენი“, „საზოგადოებრივი მოძრაობა თაობათა კავშირი“, საქართველოს ახალგაზრდა შემოქმედთა კავშირი იბერიონი“ და „საქართველოს ჟურნალისტთა შემოქმედებითი კავშირი.“ ამ კავშირის წევრები ასევე არიან, გაზეთ „ასავალ-დასავალის“ რედაქტორი ლაშა ნადარეიშვილი, geoworld.ge-ს მთავარი რედაქტორი ირაკლი თოდუა, საქართველოს სამეფო კლუბის დამსახურებული წევრი ფრიდონ დოჩია¹²⁴ და ა.შ.

¹²² ჯორჯიან თაიმზი <http://geotimes.ge/index.php/ge/2014-04-24-20-33-43> 2015 წლის 8 ოქტომბერი

¹²³ GNCC რადიო მაუწყებლობის ლიცენზიის კონკურსში მონაწილეთა დოკუმენტაციას გაეცნო, media.ge, <http://www.media.ge/ge/portal/news/301085/>, ბოლო წვდომა 2015 წლის 8 ოქტომბერი

¹²⁴ საქართველოს სამეფო, georoyal.ge <http://www.georoyal.ge/?MTID=5&TID=92&id=2827> 2015 წლის 8 ოქტომბერი

არხმა მაუწყებლობა 2015 წლის თებერვალში დაიწყო.¹²⁵

მაუწყებლობაზე ავტორიზებული პირების შემოსავლები (2013-2015-ის ივნისი)

ავტორიზებული პირი	შემოსავალი (ლარი)
მედია კავშირი ობიექტივი (ყოფილი მედია-სახლი ობიექტივი)	992939
შპს ქართული ტვ	11518
ტელეკომპანია პირველი (ყოფილი TVS)	93287 (2015 წლის იანვარი-ივნისი)
შპს ქართული არხი	25181
დრო ტვ	70701
Mall TV	4875
ახალი საქართველო	0

პატრიოტი TV

პატრიოტი TV ინტერნეტ მაუწყებელია, რომელსაც აქვს საკუთარი გვერდი Facebook-ზე და Youtube არხი¹²⁶ (2015 წლის იანვრიდან). თავად პატრიოტი ტვ-ის მიერ ჩვენთვის მოწოდებული ინფორმაციით, არხის მფლობელები გიორგი ირემამე და გიორგი კოხრიძე არიან. გადაცემების მომზადებაზე 10-12 ადამიანი დასაქმებული, რომლებიც ანაზღაურების გარეშე მუშაობენ. პატრიოტი ტვ-ს შემოსავლები არ გააჩნია.

პროექტ damoukidebloba.com-ის ინფორმაციით, არხი „ერეკლე მეორის საზოგადოებამ“ და ევრაზიულმა არჩევანმა დააფუძნეს. „ევრაზიული არჩევანის“ დამფუძნებლები მაია ხინჩაგაშვილი, არჩილ ჭყოიძე და ბორის მანუკოვი არიან. მაია ხინჩაგაშვილი „დავით სოსლანის საზოგადოების“ დირექტორიცაა, არჩილ ჭყოიძე კი „ერეკლე მეორეს საზოგადოებასაც“ ხელმძღვანელობს.

„ერეკლე მეორის საზოგადოების“ ვებგვერდის მიხედვით¹²⁷, საზოგადოების მთავარი მიზანი რუსეთთან კეთილმეზობლური ურთიერთობების აღდგენაა. 24 სექტემბერს პრეზიდენტის ადმინისტრაციასთან პრორუსული აქცია გაიმართა. აქციის ერთ-ერთი ორგანიზატორი

¹²⁵ „ახალი საქართველო“ მაუწყებლობას იწყებს, მედიანიუსი, <http://goo.gl/hVNMx7>, ბოლო წვდომა 2015 წლის 8 ოქტომბერი

¹²⁶ პატრიოტი TV, <https://goo.gl/fA8xhi>, ბოლო წვდომა 2015 წლის 8 ოქტომბერი

¹²⁷ ერეკლე მეორეს საზოგადოება - <http://erekle-2.ge/index.php/ka/aboutus>, ბოლო წვდომა 2015 წლის 8 ოქტომბერი;

„ერეკლე მეორის საზოგადოება“ იყო. აქციის ორგანიზატორები, რუსეთთან ურთიერთობების აღდგენას და სამხედრო ნეიტრალიტეტს მოითხოვდნენ¹²⁸.

„ერეკლე მეორის საზოგადოება“ ინტერნეტ ტელევიზიის დაარსების შესახებ ინფორმაცია ჯერ კიდევ 2011 წელს გაავრცელა¹²⁹. მაშინ დაარსებულ ინტერნეტ ტელევიზიას „მედლის ორი მხარე ერქვა.“ გადაცემა იმავე სახელწოდებით ახლა პატრიოტი TV-ზე გადის და მისი წამყვანი არჩილ ჭყოიძეა, პროექტის ხელმძღვანელი კი გიორგი ირემაძე. 2014 წლის 20 მარტს „ერეკლე მეორის საზოგადოებამ“ საკუთარ Facebook გვერდზე ინფორმაცია გავრცელა, რომ გადაცემა „მედლის ორი მხარე“ ტელეკომპანია „ქართულ ტვ“-ზეც გავიდოდა. „პატრიოტი ტვ“-ს გადაცემები და სიუჟეტებს ასევე აზიერებს „საქართველო და მსოფლიო.“

¹²⁸ პრორუსული აქცია და კონტრაქცია პრეზიდენტის სასახლესთან -netgazeti.ge
<http://www.netgazeti.ge/GE/105/News/50237/> ბოლო წვდომა 2015 წლის 12 ოქტომბერი;

¹²⁹ ერეკლე მეორეს საზოგადოება, <https://www.youtube.com/watch?t=72&v=jaqBnVuYkZc>, ბოლო წვდომა 2015 წლის 8 ოქტომბერი



საერთაშორისო გამჭვირვალობა საქართველო,
თბილისი, ოქტომბერი 2015